



澧水經峯潘子生屈宋之鄉摩挲於周公孔子之道由仙源

宰遷牧濮陽間出其所脩曲阜志及他古文示予予讀之謂

其法子長孟堅已復出其詩子又謂其步少陵昌黎而要其

淵源所自則皆衷乎六經之旨也嘻其真卓然弗可及耶後

代之爲詩者多沿襲末流僻瑣之說雕刻鑄鏤之句以纖巧

浮薄相尙不衷於正始其所託者不尊則其質不貴且重經

峯沉酣於經學所著周易尊翼春秋尊孟禮記釐編周禮撮

要諸書皆奧衍闔深成一家言政事之暇手一編汲汲修改

至夜分不稍休是豈風塵吏中所易有故其平居不以詩鳴

而其詩乃如此韓子不云乎本深而未茂心醇而氣和讀是

詩者其不以予言爲阿好也夫乙未冬日錢塘學弟俞鴻慶



予長經峯五弟甫數歲予獨得蚤售歷官粵閩二十年而五弟猶以老明經與二三弟子端拜雜誦於荒江寂寞之濱乾隆甲戌始就州倅謁選都門屯遭坎坷又十一年來爲福山宰距予所治濮州千五百里顧予久知五弟好學多文五弟不以予支離風塵郵寄所刊制義及周禮撮要琉球入學見聞錄相質予益信所聞不虛歲戊子共役鎖闈月餘朝夕論辨並得讀其諸經說又喜聞所未聞出闈後各以事繫不相合併明年冬五弟調仙源時與晤觀察使署屬以急修曲阜志辛卯夏予量移南安五弟乃以壬辰秋來牧於濮山左人稱前後二潘又往往誤謂後潘卽前潘好事者傳爲美談今年上元予自京師南回取道過濮冀予弟兄兩人得共數夕

續文書屋集卷之四
談互商校其文集至之日五弟先赴會城猶謂卽旋旆明日始聞留滯信念氣誼相浹洽學問相切劘海內如五弟者復幾人予又齒落髭斑重之以宦轍遼左知相見有幾而慳於一亩若此爲悵惘者久之顧幸諸姪俱俊偉文孫輩復琳瑯滿目留予高齋日與作蟬連語爲旅人樂事諸姪眎予曲阜新志予讀之旣歎爲自來志書中第一巨觀及披魯文書屋集畧諸體兼妙而碑記一冊大筆淋漓尤令人氣悚神湧視易堂堯峯諸公當突過之直欲爲昌黎替人惜未得盡發其藏作旬日鑽尋諸姪請予一言予行甚急卽匆匆舉與五弟兩書合而弁其首見之者當知予弟兄兩人之相與固未易爲外人道也時丁酉仲春之朔榕堂兄汝誠拜手

魯文書屋集畧目錄

卷之一 頌 賦

東巡頌

乾隆十三年

平準噶爾頌

聖母皇太后七十萬壽頌又賦一首

平徇部賦

君

山賦

黃山賦

感秋月賦

卷之二 詩

太學石鼓五十韻

賦得一道花香穀雨前

賦

得太音聲正希

昔在

詠史

六則

確齋詩

少小

去婦詩爲巴陵趙某戲題

黃河大風

渡河同熊孝廉南湖

客有吟袁中道鄴城懷古句

者詩以反之

老妓

峴山

苦雨

田鼠

出門哀摘存八首 有感 江樓晚眺 秋風歌

張邑侯新作范文正公祠落成歌 嶽麓書院

洞庭湖阻風 南嘴覓米 安福縣旅店覓書得

秦漢文一本 宿澧州西關外 哭族祖步衢

文正書院弔范公 題明漳南總戎阮公及金夫人

授命錄後 書邑侯黃芝園太史與山志後 題

文文山忠孝廉節墨刻後 憶昔 黃山 再

上都門酬別車秀才澧江 哈薩克稱臣八頁排律

百韻 完縣觀蓮花池 盤古村 北闈榜後

李明府麓堂邀觀西山柿林時惟落葉滿地有感而作

二首 送段明經秀南南還 和燕平書院師生

元韻 聖母陵 雁字 別李麓堂 深州

蚤發 黃河 文正書院口占 三上都門別

王秀才東白 別劉秀才雲仲兄弟 柿林紅葉

釣魚圖 建陽道中 荆門州客店 同張

孝廉度西和李麓堂登良鄉城樓望西山元韻 和

張度西城樓上清高閑曠四絕之作 又用前韻和

梁明經子後 悼琉球國官生梁允治金型 送

層耀兄下第南還 祝金雲峯先生八十 琉球

學卽事

聖母皇太后七十萬壽詩 賦得從善如登 賦得大

禹惜寸陰 送劉刺史西巖官江南 輓席太翁

聞家鄉有年口占寄內 輓張函暉助教

車澧江四首 送天門溫特菴還里囑覓郝氏九經

解 題戴篋圃師負米圖 琉球國中山王表請

諸生歸國余病疽已七月矣口占一律 書大福嶺

筵 登蓬萊閣 福山雜吟四首 祭太平頂

龍神祠有感 山行記事 題謝州倅立菴及其

嗣明經琨崖詩冊 郊城差次酬周二尹良夫及其

嗣秀才東洋

南巡回鑾迎駕詩九首 望嶽 登之采山 和崔

撫軍紀

恩恭依

御製詩元韻 摘存四首 夜過奇山社 古槐清陰 佛

閣鳴鐘 園蔬晨露 曲沼荷風 草亭新月

花塢紅英 芸閣書聲 岑樓晚眺 萊州

二十里舖見燕南過客題壁戲和二首 雨壇夜半

口占寄古縣王太守閨軒 四月十七日查雨登芝

陽山記事 海鏡亭觀海燈 臨淄道上 觀

稼憇奇泉寺戲次僧壁前令李君看花詩韻 弔郭

康介公 登磁山最高處寄王宮詹貽堂覓酒

自奇泉踏地至楚堂 張刺史希南自乾州歸養值

太母壽辰詩以賀之 評閱孫司諭毅齋詩卷却寄

題傅幕師冠北世德編二首 九日同諸友登通

仙宮飲奇泉寺 奇泉庵八景詩 謝立菴招飲

戊子春正大新店阻雪讀萊尹夏蓉塘詩鈔書此却

寄 陪郡伯趙虛齋觀海市 寄劉秀才魯瞻

省歸至新店 沙灘勸種樹和州倅牟斌如元韻

造書山 酬王藻航上巳日芝陽觴詠元韻 疊

韻酬蕭雪崖 疊韻酬王黃麓 疊韻酬謝雲崖

和崔撫軍閱邊詩元韻 諸由觀阻雪三日遇寧

海刺史勒寶齋西行口占 雜吟 和崔撫軍遊

嶗山詩元韻 弔大司徒王公 酬王秀才令印

弔鄉賢孫方伯公 祀朱公神像於新祠二首

東行雜吟八首 送王太守閏軒入都 柿子亦

竹枝詞 福山食物十首 題歷城尹胡書巢書

屋 題何小山賞音圖 題申槐亭手卷

賀四氏教授孔晴峯鄉舉 題富撫軍挹翠軒草

四首 擬和

御製三依

皇祖過闕里詩元韻 擬和

御製闕里祭先師禮成述事詩元韻 擬和

御製杏壇詩元韻 擬和

御製賦得手植檜詩元韻 擬和

御製汲古井水飲之詩元韻 擬和

御製孔林酌酒詩元韻 擬和

御製子貢手植楷詩元韻 擬和

御製過陋巷顏子祠詩元韻 擬和

御製謁元聖祠詩元韻 擬和

御製謁少昊陵詩元韻

濮州修城和葛上舍化行紀事元韻 和徐撫軍紀

恩詩元韻 酬罔卿吉渭厓先生 疊韻酬侍御費道

峯同年 中秋望月 歎月二號 臨清軍營

將之堂邑緝匪查賑得劉脩甫捷音口占志喜

卷之三 雜著

易上下篇義 上經陰陽消長圖 下經陰陽消

長圖 上下經陰陽卦相對圖 上下經卦爻相

對圖 上下經卦義相對圖 上經卦義相對圖

下經卦義相對圖 河圖贊 洛書贊 極儀

象卦贊 伏羲卦圖贊 文王卦圖贊 洛書

卽洪範辨 卦變考 試舜辨 攝位辨

以雅以南說二則 考仲子之宮論 讀春秋綱

領 禘祫考 置後解 明綱目劄記 書

院教規 琉球官學教規 答琉球官生問

行文淺語 西銘或問 書崔撫軍嶗遊草後

書富撫軍壽詩後 書長白鄂文忠公宿膠沙觀示

道者詩後 書歷城尹胡書巢小照後 書 先

大夫所藏太上感應篇讀本後 書蹇氏族譜傳後

書琉球書經刻本後 書 先大夫遺戒後

書劉鈍軒先生贈 先大夫先宜人傳及詩後 誠

齋箴 六有箴 瑩齋銘 石水丞銘 磁

筆筒銘 磁筆架銘 名琉球鄭生子說 爲

中山王請諡疏 徵黃孝子詩文 徵賀母壽詩

文 募捐貲送周汝峯葬文

卷之四序

周易管窺序 周易尊翼序 春秋尊孟序

春秋集解序 禮記釐編序 重刻周禮撮要序

四書注餘序 西漢文精鈔序 俎豆集序

古文類編序 琉球鄭紹衣太學課藝序 琉球

入學見聞錄序 琉球蔡汝顯太學課藝序 琉

球梁永安遺草序 琉球鄭紹言太學課藝序 浯

溪詩序 題書院聯序 集唐律序 喻來巖

先生文畧序 格物集序 曲阜縣志序 齋

文書屋藏書序 王濬軒詩序 夏鶴泉詩序

贈陳童子額序 張貞女詩序 脩射圃序

募脩龍王廟序 曲阜縣脩城隍祠序 勸脩陳

田保祠序 宋氏譜序 西岡戶譜序 送陳

謙甫遊吳越序 送車澧江遊邵陽序 國方伯

三十初度序 野老八十序 席半泉壽序

澧州陸蘭江六十序 金雲峯先生七十序 趙

某六十序

文某六十雙壽序

楊太母陳夫人

七十序

黃母譚太君七十序

張母李孺人八

十序

余節母壽序

卷之五 碑記

少昊陵碑

陶唐氏陵碑

濮州虞帝廟碑陰

周公廟碑

完縣重修文廟碑

濮州重修文廟

碑 南嶽廟碑

顏子廟碑

嶽麓書院記

顏子林記

燕平書院記

勘尼山田記

馬

波渡石橋記

脩射圃記

福山縣清河橋記

福山縣福泉井記

曲阜縣文昌宮記

完縣關

帝三代祠記

文田宋氏祭田記

脩龍神祠記

救災記

濮州脩城記

文筆峯記

濮州

鄉賢杜公碑銘

濮州前刺史殉難張公祠記

齋文書屋記

卷之六

傳 墓表 誌銘

東麓翁傳

彭少曾傳

高潞潭傳

沈齊義

等傳

徐瘋子傳

劉鈍軒先生墓表

彭北

溪墓表

琉球國都通官鄭利賓墓表

原任良

鄉縣知縣李君墓表

明福山縣鄉賢孫公墓表

福山林烈婦墓表

太學生孔君暨節孝魏太君墓

表 宋母熊孺人墓表

龍潭溪先生墓誌銘

鄭君嶽南墓誌銘

邑明經傅左峯墓誌銘

邑

太學生劉君舜占墓誌銘
金雲峯先生墓誌銘

卷之七 祭文

龍神祠落成告文
天妃祠落成告文
告鄉賢

孫公文
遷朱公於新祠文
求雨文八則

謝雨文
祭諸城相國劉文正公文
祭武進相

國劉文定公文
祭原任大司馬陸鳧川先生文

祭宮保錢塘王文莊公文
祭原任湖北按察使東

牟王公文
祭大中丞西園王公文
祭梁金二

官生文
祭王某文
祭張助教文
祭李麓

堂文
祭熊南湖文
祭顏介子文
祭劉舜

占文
祭王東白文

卷之八 公移

刊十勿歌
十家總牌律例歌訣
勸戒邪教歌

收養條約
崇禮教諭
張貼勸孝歌諸刻諭

招俗生文
勸士入書院肄業示
歲試示

賓興手札
科試示
考選生童送義學示

覆試示
求雨示
保甲圖說
駁修塗山龍

神祠序文
勸協濬河渠諭
曲阜觀風示

諭曲阜童生
濮州修城諭
與范縣牒文

邪教戒上下二則

珠林賦上十二回

論曲阜重坐

輿論文

更始示

寶典七林

珠林賦

珠林賦

珠林賦

珠林賦

續文書屋集畧卷之一

安鄉潘相潤章學

本頌賦

東巡頌

有序

天惟純佑我

皇清無疆景命

列聖繼繼承承奠麗陳教撫馭函夏覃敷東西南朔窮荒萬

萬里外含生之倫靡不仰治教休明合數千年君師統為一

三五以下莫能比並

皇上聰明天縱養德書齋洙泗宮牆時形寢寐御極十有二

年心法道法治法一稟四子六經訓典親臨辟雍躬奉殷薦
歲時崇祀傳心殿先師神主更備且肅惟茲昌平聖里
聖祖仁皇帝肇舉幸魯盛典焜煌萬禩繩

祖武訪聖蹟觀廟堂車服禮器禮固宜之乃

詔以來春東巡仰止杏壇用申夙願復念巖巖泰嶽魯邦所
瞻惟隆古盛時虞巡周邁有冊有典

懿旨肫肫是爨是訓爰以戊辰春二月朔四日戊午自京師

奉

皇太后車駕起程省方觀民行慶施惠戊寅至曲阜詣孔子
廟至奎文閣降輦入大成門升階盥手入殿上香九拜越翼
日己卯行釋奠禮禮帥康熙甲子盛儀樂用闕里樂章命大

臣分獻四配十哲兩廡賢儒命誠親王祭崇聖祠畢

御詩禮堂講筵聖裔舉人

臣

繼汾優貢生

臣

繼涑以次進講

中庸九經及周易臨五之象辭衍聖公

臣

昭煥率各博士十

三氏裔巡撫

臣

阿里袞率司道屬官皆入聽講畢

勅大學士

臣

傅恒宣諭諭行聖公率族屬敦倫慎行式勿替

至聖爨訓留曲柄黃蓋大成殿率前烈光秩祀羣臣皆呼萬

歲遂酌酒孔林祭金天氏帝陵謁周文公廟頒榜聯加賑卹

蠲租稅廣學額拔雋髦晉階秩賜衍聖公以下燕賜經史衣

服銀幣有差又遣大臣分祭元聖及四配專祠廼

回鑾至於岱宗祀岱廟報德祈年凡漢唐宋陋儒所稱七十

二君封禪說屏弗用赫赫乎巍巍乎帝者之隆儀皇世之盛

軌也小臣某乃作頌曰於皇上帝佑我

聖清篤生

天子率

祖攸行金聲玉振同集大成惟十三年二月初吉屏翳清塵

天姥練日觀風廣魯升堂入室業業尼防

聖人至止萬歲山呼五色雲起日麗杏壇龍蟠泮水賢臣贊

襄聖孫蹈舞肅肅鳳簫逢逢鼉鼓虞牧圭璋魯生干羽

帝瞻廟貌江漢秋陽儀循前軌工奏新章雍雍穆穆鉅典禘

皇迺

御經筵扶聖之蘊政舉九經智臨廣運百辟其刑于

帝其訓咨衍聖公虔奉鬯卣偕其裔屬率典慎修公拜稽首

對揚鴻休迺奠聖林迺祠少顯元聖闕宮所欽惟道異數殊

恩降福浩浩迺至于岱敷天哀對玉檢金泥永息羣喙震出

物生雲蒸雨霈錫予蠲復東人其蘓叟歌於路童諺於衢一

遊一豫惟

聖步趨

皇帝至聖合軌素王律天襲地祖述憲章于萬斯年于羹于

牆

皇帝至誠人道天道過化存神我風民草于萬斯年天氓皞

皞

皇帝大孝欽奉

文母地察天明玉虹化魯于萬斯年緝熙純嘏

皇帝大文明述聖作重訂詩書肇興禮樂于萬斯年淵泉溥博

臣謹按乾隆十三年東巡以釋奠闕里為主而及於秦

詔旨及御製詩甚詳明一時名作甚多率泛舉倒置是文雖才藻不

逮猶非陳言可比以率爾有作不欲存也此次

盛典臣幸得備員曲阜恭辦一切差務較傳聞更親本欲擬

作頌一篇以志其事以初次典禮更盛備因增改舊稿

錄之附識於後時辛卯夏五月望日知縣臣潘相恭紀

平準噶爾頌有序

皇帝握乾符闡坤珍欽承休命丕覲重光化行燠地威播冰

天書契所載未之或京也惟準噶爾番部白狼扇妖狡兔營

窟敢違朝朔尚稽天誅緬維

聖祖仁皇帝

世宗憲皇帝屢申撻伐聊示柔懷天厭冥頑賊巢糜沸前此

喇嘛達爾札肆行篡奪魚肉同根迨至孽豎濟凶復支天禍

諸部近隣土崩瓦解於是車楞車楞吳巴什番落萬戶渠長

千人咸歎關而內籲曰蓋聞

聖人恩德洋溢物靡不得其所曷為遺茲一隅水深火熱

國家承平日久人憚用兵

皇帝哀矜塞外庶戮之不辜慨然曰惟天惟

皇祖

皇考使朕乘時伐暴救民者庶其在此朕何敢憚勞乃力排

眾議獨運乾剛特簡定邊大將軍班第統領步騎數萬董督

元戎龔行天伐親授機宜密籌韜畧萬里之外窮虜之情聚

米成圖如在掌上而且大度無私知人善任投誠校尉旋擁
節旄乾隆二十年正月朔鷹揚之校螭虎之士兩道分驅連
營並進元甲耀日朱旗蔽空有翼有嚴莫我敢遏夫帝王之
兵有征無戰行險而順義且尊也故大軍所過秋毫不犯春
雨同流諸羗臣庶莫不提榼牽羊歡迎道左掃穴犁庭草薶
禽獮茲非一舉而萬全暫勞而永逸者歟

皇帝持盈保泰謙德彌崇告成功於

天祖上徽號於

慈寧恪遵成憲展謁孔林疊頒諭旨倣怠酬庸廓數十年未
竟之緒開億萬世無疆之休懿乎鑠哉臣等親覩凱旋博觀
前史竊見神禹征苗三旬逆命武丁伐楚數載頓兵周逐獫

狁至于太原自鎬來歸載歌丕烈漢唐而下黷武勞師財殫
力痛功不補患孰若

皇帝聖神文武運籌宮禁決勝要荒至誠孚於豚魚大化捷
於風雨無雪來柳往之煩而積年遺寇早扼其吭少斧破斨
缺之費而遠部殘黎已登之席誠今日之奇勲實亘古所罕
有臣等雖學識荒蕪不足宣播

皇猷然從軍歌曲自昔為昭謹依古作四言詩十有六章章
八句拜手稽首而獻曰於赫

聖清撫綏萬國日照月支天星環北蠢爾準夷昏迷敗德血
眾於牙肆行殘慝緬維

二聖仗義興師以誅以宥聊示羈縻

聖皇踐祚累洽重熙文謨益振武烈彌奇金川小醜敢盜我邊

帝麾虎旅往斧其咽枝披腹敗振旅闐闐聲名所溢溥博淵泉天厭準克內訌外圯羗部欵關曰奚遺已

皇帝曰嘻皆吾赤子疾拯其焚削平賊壘獨決神謀密杼睿畧叅畫夔龍秉旄衛霍瀚海洗兵天山磨鏑立殲醜虜永清沙漠孟春初吉兩道爭先風旗匝地雷鼓轟天采探其穴威德齊宣爾樵於牧我耨於田我提筐篚我挈簞壺載迎王旅夾道歡呼倒戈攻北荷戟前驅三春時雨槁木咸蒸帥臣捷奏兵破賊巢長鯨遊釜叛獍充庖不亡我矢不缺我鞘穹天博地奉我聲教

聖皇有命撫定荒陬昊天錫福

列聖貽謀獻俘成禮諏吉揚休萬年億載家法常修

聖皇有命迅奏膚功欽惟

聖母實訓朕躬敬加徽號彌篤尊崇萬年億載慶洽璇宮

聖皇有命仰監

前寧告功闕里丕式儀型敷天哀對雨裊露零萬年億載震疊

皇靈

聖皇有命晉爵酬功龍團豹尾殊制顯庸蕩瑕滌垢仁博義崇萬年億載溥海齊風葱嶺龍堆流沙萬里於鑠六師于疆于理章亥輿圖羲和日晷億載萬年同文共軌凡此膚功

聖皇庶算聖德謙冲不矜睿斷申儆臣工彌勤宵旰億載萬年共圖襄贊我征準噶自春徂夏伊里青芻既肥我馬緩轡東歸魚魚雅雅億載萬年放之林野於樂辟雍來歸飲酒捧鬯策勛帥臣稽首

天子威靈生民未有億載萬年無忘永久

恭慶

聖母皇太后七十萬壽頌有序。集五經。呈。進。

天亦惟休於

前寧人長發其祥時惟

姜嫄曰嬪于京德合無疆載生載育直聰明作

元后應乎天而時行慮之以大愛之以敬行之以禮修之以

孝養紀之以義終之以仁於是乎民和而神降之福永言配

命罄無不宜不冒海隅日出罔不率俾西方曰戎廣谷大川

異制國險而多馬昏迷不恭

帝乃誕敷文德分北三苗自彼氏羗有大艱於西土

皇帝哀矜庶戮之不幸利用侵伐則亦有熊羆之士不二心

之臣奉將天罰深入其阻導弱水至於西河自西河至於流

沙馬之所生有驕有皇有驪有黃西土之人懷我好音牽馬

而前在坰之野苞有三孽誕敢紀其敘自作不典文武吉甫

欽承

天子威命濟濟有衆一乃心力盡俘以歸釋奠於學以訊馘

告西戎卽敘越在外服雕題交趾莫敢不來享越在內服各

以其列無思不服

帝曰俞哉光天之下至于海隅蒼生含弘光大應地無疆以引以翼

母道也鷄初鳴而衣服朝於內朝日三春王正月合萬國之歡心時邁其邦祀山川覲諸侯布德和令下及兆民以示慈惠六服羣辟罔不承德歸于京師其樂也融融何天之休二十有六年冬十有一月日南至

萬壽無疆是日也

天子玉藻至于寢門外殊徽號酌以大斗庶邦侯甸男衛畢獻方物大合樂凡我有官君子多士多方觀國之光以雅以南稱彼兕觥予小臣世世享德敢執壤奠拜手稽首乃賡載

歌曰維清緝熙萬國咸寧惟

聖時憲善則稱親文王之母纘女維莘天祚明德其命維新一章事親如事天於緝熙敬止自朝至于日中昃立愛自親始酌彼金罍式燕且喜德之休明令聞不已二章明照四海受小

球大球苗民三旬逆命克壯其猷招攜以禮建萬國親諸侯亦右

文母實萬世無疆之休三章大衍之數五十

天子萬壽元端而朝于其

王母如天之福火在天上大有用敷錫厥庶民保艾爾後四章

思齋太任如山如阜在位七十載仲冬之月日在斗施命誥四方以祈黃耆於萬斯年如天之無不禱五章五載一巡狩省

方觀民令德壽豈立愛惟親執玉帛者萬國雷雨之動滿盈
大孝不置是為成其

親之名六章允猶翁河泉流既清三時不害品物咸亨問內豎

之御者壽考且寧行慶施惠永底烝民之生七章重巽以申命

施于中林拔茅征吉簡在

帝心賞以春夏庶績其凝仁之至也以莫不興八章四方來賀

考祥其旋綿綿翼翼奠高山大川其禮備其樂具惟曰欲至

于萬年其所以蕃祉老壽者克配彼天九章

恭慶

聖母皇太后七十萬壽賦以聖人之德無加於孝為韻謹序呈進

皇上御極之二十有六年歲在辛巳十一月二十五日恭逢

聖母皇太后七十萬壽純祺天錫繁祉日升喜氣騰霄歡聲

動地邃古以來未之有也臣謹按孝經援神契曰天子之孝

曰就就之為言成也天子德被天下澤及萬物隨處成就則

其親獲安故曰就也又按嘉樂之詩曰保佑命之自天申之

言君子之令德日新則天之命之亦反覆眷顧之而不厭也

欽惟

皇太后毓昊胎軒包天育地自詩書所載太任太姒世嗣徽

音莫能比並而天慈廣被坤道長寧穆處璇宮福祉隆備邇

歲我

皇上天威遠播文德覃敷奏五載之膚功開八荒之壽域既

臣伊里旋服大窀月竈以西天方之壤莫不歸吾版籍化我

聲明適逢我
皇上五十松齡祝鴻庥于永錫旋欣

皇太后七旬椿筭慶聖壽以無期天開黃鳥之旗千百國不
漏河源海委神捧元狐之籙億萬歲長同華祝嵩呼於是北
燠冰天南諧燠地扶桑出口高柳生風靡不覲鳳城瞻螭陛
揚景鑠頌禎符時則五老負圖四靈咸畜雨風從律珠璧呈
輝甘露如飴曉垂珍木卿雲似蓋朝映彤墀諸福之物畢臻
可致之祥環集蓋由

聖人之孝合九有以尊親而令聞不已

聖母之仁載羣生以博厚而純嘏有常故天之佑

聖人亦孔之固而天之福

聖母以莫不增也謹抒蕪製以展葵忱其詞曰惟

聖承天惟天佑

聖輝麗珠囊祥開金鏡欽

文母之壽康仰神功之隆盛欣闡澤之旁流慶瑋暉之遠映
道隆嫺姒著配天不息之休徵徽邁胥登綿應地無疆之景
命春回鳳闕扶輦承懽晝永龍樓捧觴志慶同萬國之車書
集羣仙之歌詠寧惟近古之所希抑亦皇初其莫並猗思齊
之

聖母毓睿哲之

聖人溥無方之

世德以作求觀

光揚烈華

安輿而問俗過化存神德有親而可久教靡遠而不遵燕然
勒石瀚海無塵水記方流之玉苑來朱汗之麟彌天區而奉
朔統日域以稱臣廓二萬餘里之疆索撫三十六國之人民
皆奉

慈寧之懿訓疊上尊號以恭伸爾乃民之質矣天實相之重
光閱歲長至紀時暑漸添乎繡線風乍解乎流澌當嚴冬之
凜冽儼履景之暄暄復得乾初函乾坤萬有一千五百二十
之策律惟天統彙律呂十有七萬七千一百之基七表遷齡
七政之運行獻瑞三元首月三才之寶道呈奇光復旦兮比
升恒于二曜熾而昌也符悠久于兩儀我

皇上舜孝同心堯仁比德萬年受祐衣龍袞以娛顏五十慕
親侍金根而愉色鸞笙象板起十部於簫韶鳳臚龍羹陳萬
方之玉食延齡天酒仙人之掌上常清益壽神芝玉女之窻
前紛植幔城魚貫紛繞瑤階繡仗鴛排共環紫極諧歌謠於
綺陌智戴陳詩效拜舞於清班可汗述職於是因歡心之攸
洽恢曩牒之所無上錫光於百辟下徧德於康衢鈔給尙方
不遺野老材羅葢榜尤拔耆儒育泮林之樸棧收滄海之遺
珠禮無廢而不興需雲晏樂情有微而必察解雨涵濡此其
恩覃乎靡外澤沛於無加以瑛垠臣附爲悅娛以兆庶時雍
爲尊養以獸舞鳳儀進稱觥之頌以天章雲漢摛介福之華
育物誠民洵不外乎要道則天因地乃廣集乎休嘉萃泰運

之景釐鐫璆難紀極乾符之上瑞鏤玉非誇蓋以誠無不格
理本相於德臻乎極盛福積而有餘被輦中安騰東華之瑞
牒含飴長樂擁金母之瓊書輝寶冊於山河如川方至播徽
稱于南朔比日初舒申命用休承無窮之帝眷既多受祉歌
難老于皇輿乃知率土同歡

一人教孝至仁必壽允膺上壽之符大德曰生難罄長生之
效此固桃熟蓬萊五百年花實未堪盡厥鋪揚籌添瀛海八
千歲春秋不足與茲比較者也微臣叨沐恩榮觀光學校識
比管蠡詞慚體要賡六館之謳吟惟九如是則倣用以頌颺
萱陞之鴻禧而欽仰

紫宸之至教

平徇部賦以聖人有道萬國歸心為韻

伊上古之開天直聰明以作聖考五典與三墳惟子姬之受
命合鞮譯而歸心奉春秋之朝請極揚厲以鋪張亦有窮而
易竟若夫調玉燭攬金鏡滅兇頑誅梟獍其德教之遙聲名
之隻與日月之照齊光與覆載之宏比盛蓋自書契以來希
聞幾人幾姓惟

國家誕膺休命統馭兆人重熙累洽摩義漸仁我
皇上至誠御物大勇安民撫四瀛而建極視六合如一身蠢
茲準噶傷敗彝倫蛙跳梁于井甃螳倔強于車輪
聖謨懷遠睿筭通神天戈初指賊虜悉臣柳城霧散甌脫雷
震布魯特之東西欵關請見哈薩番之左右獻馬來賓獨茲

霍集占弟兄者本徇部之渠酋爲準夷所拘守
聖天子大度軼乎漢高深仁邁乎虞后脫其桎梏之械予以
穴巢之舊宜同戴乎尊親不自遺乎高厚豈圖悖德生驕有
恩難受乘弓矢之暫發覬部落之可有或懾其兇或貪其誘
妖還煽乎白狼雲忽翻乎蒼狗于是整義兵宣皇道稟成規
奉天討更宿將以進兵誓庭犁而穴掃撞西極之鼓鐘建北
庭之旌旄當偏師之深入氣若吞虹值大衆之繼來勢如振
槁電掣風行馬騰士飽其攻也動于九天而所向無前其守
也靜於九地而所居不擾遂使幕鳥難安鼎魚坐困虎莫負
喙草難滋蔓於焉秣馬窮追馳書諭勸送彼首函張吾軍憲
版圖入者億千壺漿迎者百萬實後舞而前歌儼東征而西
怨共抒悃于和門乃中心之所願邇乃頌

皇仁謳聖德奏露布獻俘馘絕徼永清罪人斯得數時日則
軍興不過乎五年計道里則戎索可疆以十億正朔通入日
之鄉衣冠遍無雷之國榆關西望天心順而風雨効靈葱嶺
東來地氣通而山川壯色懿乎鑠哉原夫西番之反側也經
累朝撻伐之威受
列聖懷柔之敕而乃敢距大邦肆行殘慝久稽天誅莫歸皇
極而今而後霍然心回快然面革非夫

大聖人之咸五登三何以使亘古未通之窮荒同吾民以躋
于仁壽之域是以王公卿士童穉耄耆咸謂
皇上之德乃上世所稀而以非常之世

皇上之烈又前聖莫幾而以非常之功襲尋常之典人稱天
 號不副其輝是宜俯從人志仰承前徽加顯名以尊异用昭
 示乎德威而乃固却百官之奏彌問五夜之衣謂承上天之
 眷佑藉而慈暉荷而代而報而答而高深然後錫彤矢賞朱
 祖祭孔林告成功于上下馳報答于高深然後錫彤矢賞朱
 縵封五等犒萬金勞還帥于春郊洽百禮之玉林夫是故道
 同乎天地而功邁乎古今也乃作頌曰惟天聰明惟
 聖欽兮小醜敗常利用侵兮王旅嘽嘽取凶壬兮窮荒絕徼
 來獻琛兮文德誕敷鼓薰琴兮億萬斯年永歌吟兮

君山賦

泛洪湖之浩渺兮瞻君山之雲霞巖巖層巒之漚漚兮通谷
 豁乎谿訝歷十二峯之盤紆龍從兮全入曾宮之交牙觀林
 樹之蔚菱兮覽方竹之仙葩望美人之鬢髻兮下吾採乎山
 之芽嶽崑碕礪兮礪礪屢屢谿壑嶄巖兮石瀨滲漓飲仙酒
 之數斗兮豈人間之卮醕上軒轅之臺址兮野禽荒涼而叫
 之攀龍髯其何在兮增萬古之悲思臨柳毅之遺井兮乃落
 魄而吟呻何涇陽之嫠婦兮托尺牘而締碧雲宮裡之良姻
 弭節容與兮敬弔湘君耄期薦禹兮何復南巡英皇之春秋
 百歲兮乃走千萬里而投身乎青草之墳黃陵廟裡之要眇

今何主茲山之氤氳劉鄭王韓之聚訟兮徒千年以紛紜世
既邈不可追兮吾亦聊付之云云扈江離與薜芷兮夕吾憇
乎山之亭思公子兮吹參差蹇誰留兮湘靈流水悲風之終
曲兮惟數峯之青青

黃山賦

以山澗且淺遇
以濯吾足爲韻

粵維安邑夙號古孱有峯羣峙名曰黃山惟山之峻諸嶺莫
扳中四封以立鎮畫兩省而爲關幽谷豁其磅礴靈巖屹以
爛斑黃石今堆如衆傲黃壤兮列若禿鬣黃花之烜兮肖山
之骨黃鸝之舞兮繪山之顏朱萼蔚蒸莽蒼青石陂外赤霞
複疊繚繞白龍井灣儼毘陵竒峯因黃歇之封邑豈黥山嘉
號爲黃帝所往還則有獅石鴟蹲兕巖月幻霄漢之宮天門

之畔蛾飛壁而垂衣龜逆流以脫襜龍室僧吟虎田仙鐘豕
首馬鞍青溪碧澗金華五嶺浮晴日之遠眉玉水千尋汲清
泉于修綰爾乃灃波遙謁江水曲縈羣山奔赴百派有聲趙
純翁之所賦袁中道以稱名永遄興乎神瀆常降福于蒼生
故貞悔之占無微不燭而歲年之卜有感斯靈紛春秋之祈
報極牢醴之肥清我陟于巔言隕其馬謹缺疑誣用求博雅
真人之塚猶存薦祖之溪詎假何劉宋逆臣之姓名冒馬晉
令君之尊卑鄙因一片石魚魯失真政和七百年烏鳥轉寫
凜綱目之褒誅詎明禋之聊且載祖崇岡敬懷忠善望古旣
遙寄懷非淺昔在元氏鹿失中原乃有倪蠻虎吞漢沔終朝
打鼓長卿截寇馬之塵兩載依山萬戶牢城門之鍵杲卿善

罵惟噴血以復仇宋瑞作歌豈臨災而倖免長寒義士之心
 八闕孤臣之典是以金刹脩竿琳宮老樹燐走荒城狐鳴廢
 圃霧晦晨光風淒日暮增山鬼之哭號痛忠魂之遭遇若乃
 螢照山東鄉名武子木拱山南墓稱處士慧字陳言能舍生
 而取死窮困終身乃慎終以如始讀子厚之誌銘披隆安之
 載紀伊志行其信芳抱脩能而不以然而芳杜晨牽清流晚
 濯天弄發簧地籟啼鸞山之石可攻可錯山之林可遊可學
 道逃靈寶之宮僧撤南禪之幄堂更邪說李卓吾僑寓有詳說堂後人改為邪
 說臺慕讀書范文正公人希仲淹士距卓吾雲關啓戶岫峴
 開塗石泉洗墨礪瀨研硃惟誠明其並進亦敬義之齊趨以
 黃離之吉為操存以黃裳之文為作育以山之帽頂施澍霖
 以山之箭河洗纓足俗名帽兒山以戴帽卜時雨山前有一箭河其流清疾乃為少歌
 曰山峯嶽峯羗屬屬兮山木萃萇紛簇簇兮得地鏡之正色
 郁且馥兮洩坤輿之精英爛且彘兮

感秋月賦

悲哉中秋之為月也皎皎兮對日而分勢團團兮騰天而吐
 靈暉斜兮窺寂寞之冷戶影碎兮照羈棲之孤亭何予生之
 不辰兮誠坎軻而離憂時冉冉其不反兮及歲行之三周當
 天倫之歡樂兮忽易逝之春秋玩白日之昭昭兮惕長夜之
 悠悠朝翱翔于菽圃兮夕止宿乎書樓冀祿養于昏晨兮迺
 與世而沉浮戰星沙之鎖闈兮矜織人之伎倆念堂上之今
 宵兮乞祖先之胙蠶香瓣瓣其申旦兮送絡緯之羣響蹇淹

留于五科兮曾不少慰乎俯仰歲壬戌余北征兮時二月之
初吉看依依之楊柳兮淚淫淫而難窒嘆王路之迢迢兮辭
國門而南出時中秋以言旋兮慨北風之蕭瑟伯氏晉酒而
父歎兮恐今日之難再一語之為讖兮奄十月而見背幸母
氏之聖善兮歡愉愉以拊愛罪孽之不可追兮憂與憂其相
刈傷形神之孤露兮望圓靈而增愁思文場之畢事兮衆綽
約以翩躚登江城之南樓兮謂既渡以為仙有不殖而偶獲
兮有力田以逢年惟鼓鐘而聲于外兮孰鶴鳴而不聞于天
苟速獲而無實兮豈二人之所憐幸膂力之方壯兮質明月
以益堅

續文書屋集畧卷之二

安鄉潘相潤章學

詩

太學石鼓五十韻

率性堂
會課

神功開造化聖製被絃埏五色天能補三墳道永懸星精蟠
蟻術河鼓覆虹泉穀穀冰斯篆高曾响嶠篇二千餘歲月四
百著坤乾電掣羣鼇鎮鯨鏗十虎眠羲娥遺摺據斗宿屹連
綿惟昔周衰厲中興主有宣諸公朝鎬洛萬馬獵岐岍攀柳
橐魴鱗蒐禽下脇骈遙承文武業大異共和年尹相清風穆
樊侯古訓虔賡歌垂奕葉鑿磴費雕鐫史籀書非舊蝌文瀟
變前鴟蹲羗犖岳鳳峙妙褊褊儼夢元夷使疑披碧玉天壁

虬騰雨去腰劍斬蛟還栗密模通聖精能筆入仙銷金逢夏
鼎倒薤走華蓮落落璣玲蠹參參法鏡圓石經空鼻負鷲紙
枉丹鉛福迫番吾跡摩挲翠瀉川陋儒珍俗體皇雅失瑤編
敲火陳倉野磨牛右輔田巨靈難擘碎秦燧不燒然鬼物煩
呵護龍光巧會聯爾來歸趙宋因遂徙幽燕妥帖鬢門內婆
娑璧沼邊廊簷長覆葢節角免顛連

昭代崇儒術

聖皇續統傳靈巖爭硯磊宿蘚露鮮妍日月低窠日風雲擁
桷椽具瞻環玉戟摹拓貴鸞箋路腫銀駝背舟飛蝸蝻涎同
文翻象寄絕學譯名賢祭酒登師席諸生會講筵精鈔潘迪
註別錄鄭樵詮奧配陰陽畫奇摧首測元嗟余生苦晚好古
意常牽乍讀箝橫口頻看肚畫拳韓歌猶在耳杜句莫隨肩
披對烏皮坼觀玩木榻穿憶初胸鬱鬱徒羨腹便便曹女碑
陰卧鄒山棗刻研衡陽搜宛委奄里發絲絃恹况三倉蕞迷
離七祖禪想當施手後時怵象人先混沌誰同剖窺鑽覺獨
堅庸才慚猥瑣識字竟遷延浩歎長如此題吟各勉旃

賦得一道花香穀雨前

大司成
月課

紫陌芳何盛皇華氣自鮮爲因佳節近寧惜晚春妍細細飄
新馥輕輕度遠阡每於微雨後時繞暮山前映日薰秧隴隨
風上麥田早知花獻瑞應卜穀逢年淡入江邨路濃飛野店
烟無窮清意趣誰許箇中傳

賦得太音聲正希

大司成
月課

元音含有象大樂本無聲震地屯初出需天豫未鳴黃鐘函
鳳律赤管閔鸞笙人籟時俱寂鴻鈞此最精無絃琴自設流
徵調先鏗淡比方諸水馨於太古羹直當陵濩武應許邁韶
韻美善誰能測夔龍教已成

昔在

昔在程伊川十八赴京闕上書仁宗前謨謀敢排訐虎門好
學論大道懸日月海陵見之驚原明首趨謁翩然歸洛陽聖
蘊萬古揭我生何所聞心則役袍笏深山有遺書歸與穿月
窟舉業求必得昔人痛剗刷莫道不是珠是珠豈輕發且問
玉信否莫泣卞和刑所以黃子衡上庠駕車軌朗誦文公詩
使人書咄咄

詠史

庖犧伸巨臂羣聖盡牢籠草創諸文字萬古啓屯蒙信是乾
坤訥開天倩神工馬遷紹名世本紀肇有熊法服無冠冕見
譏紫陽翁

炎帝教天下耒耨興麥禾九功暨九敘因之起衢歌先天無
著作刪盡筆墨魔取益取噬嗑所得孰與多

彎弓鹿山野飲馬羊水瀧穹天開迷霧一鼓收瘳疔奇兵教
驅虎三摧阪泉幢聰明作元后天命統萬邦非聖論周武髯
蘓毋乃隳

吾聞高辛氏子孫多孝慈如何傳帝摯輕擲丕丕基神靈寧
溺愛子惡亦不知放勳監前轍勇廢器訟兒

續文書屋身卷之二
惟昔共和前歲年不可誌我讀皇極書託始堯踐位咄咄渭
上軒作編張前幟春秋憑改塗典謨任割剝僭王亂天經應
附吳楚議
月正承嘉惠受終總萬幾元臣猶望日天子自垂衣創起郊
禋禮初宣玉帛徽當春修歲事率土仰皇威居攝沿訛謬封
禪肆謗誹千年尙耳食誰與訂其非

確齋詩

陽氣之所湊金石皆穿透果而確無難聖訓惠後秀云何愛
蠅蛙鍾呂供飮餽誰爲傾國媒自炫連城購一戰霸以驕十
上勞而吼張幟閉關門鍛羽息鳴雉春秋不蒐苗敵至尋鏃
鏃年因不學衰人以隳志陋我今識昨非一爐送星宿細齋
龍虎文汎覽岐嶧籀猛力椎鉦輦澄心劈徑竇雲雷相告言
神鬼忽覲覲寵辱任世情此志難摧仆譬彼專力農終乃多
獲收凡疾皆有醫不確不可救

小小

少小愛春華絡頭趨時好二十尙怪奇凌空力排冪蛟龍怒
角牙神鬼張旗纛雕篆費精神軋茁肆陵暴五載對空山羣
言盡除埽座圍韓柳書起彈李杜操魏晉尋川流班馬卷海
潦三王祭先河洪源首謨誥精義式浮靡渺慮排粗糙古風
雖已遙抗心希欲到傳語共學人胡不言慥慥

去婦詩爲巴陵趙某戲題

長安二三月天津橋下水何處冶遊郎夜奔長卿邸長卿家

貧徒四壁雨覆雲翻忽去矣去去且遲遲試念來墜時富貴
他人合貧賤親戚離君不見菟絲附女蘿兩草一心矢靡他
又不見高屋鴛鴦瓦歲歲年年相上下前魚猶可留覆水恐
難收我爲君貧賤友君爲我糟糠妻糟糠之妻不可棄貧賤
之友莫輕睽

黃河大風

君不見黃河之風摧山谷雷翻蛟吼拔萬木飛花漫漫紅
簌簌竹川傾倒千畝竹廣武峯頭鬼號哭長年三老捲茅屋有
如昆陽鞞鼓縱殺戮虎豹獅象牛犛觶絕漠塵沙撲人目對
面相逢不相矚平生放浪懶裝束此日衣冠坐客塾誰家選
聲猶兼絲竹肉

渡河同熊孝廉南湖

朝發亢村驛鞭馬疾馳驅溪深不可厲遣僕問田夫給左左
陷大澤裏回韁揮策箠長鬚逆流西行七十里廣武山頭日
斜晷野毗腰鎌口雁鶩縮手唱公無渡河林前濘淖深且遠
墮落坑塹葬羣騾我馬又瘖我僕痛扛擡百計空長吁惡風
怒浪乘昏黑羣盜攫拏匿萑苻進退狼狽無人色坐見困苦
受收俘重賞之下多勇士一聲掀馬出泥滓倉皇拂拭上官
船月照雙帆驚復喜穿林爭道東南行滎澤縣鼓已三更我
友眼花冠掛樹公然墮甌不回顧大言富貴如浮雲脫帽露
頂行吾素茅店土飯且高歌行人那得知其故

客有吟袁公安鄴城懷古句者詩以反之

便作詞場看吾猶薄鄴城

袁公句云只作詞場看何人不可傳

可能雄後漢寧

許復西京亂瓦朝雲色哀絃夜月聲何如諸葛表忠盡配阿

衡

老妓

羣妓抱琴至有婦寂無聲驚呼汝何者惡器賈欲羸婦言客
無詫妓昔坐閨房讀書愛窈窕誓欲同芬芳人心如巨浪搖
蕩失隄防習慣成故事日日縫嫁裳弱如春田草隨風亂顛
倒汜如不繫舟逐水自漂流豔如桃李花來去落誰家今春
復明春新人非舊人老大陪商旅嬌妝亦怒嗔瓦裂永難合
水覆永難收剝削猶可補失身空回頭聽罷慘懷抱惡而知
其好途窮識昨非大勝長樂老

峴山

峴山隱然臨漢上山氣日夕萃森爽羊公旌節鎮荆襄襄川
對酒極歡賞緩帶輕裘足風流登山忽作身後想一卷青史
堪求名何用巨石牢黃壤我來懷古陟層巒墮淚遺碑混草
莽酩酊狂拋白接羅舍馬登舟蕩輕槳襄江之水去悠悠獨
立習池何軒廠習公鑿齒良史才漢晉春秋肅瞻仰

苦雨

一雨度三春到夏還漫漫屏翳執成心雷公翻前案猛遮烏
蟾光怒奪星辰燦初殺忽啼鳩纔霽又鳴鶴晚虹張虛卷屢
戰皆敗散朝霞日建標翻盆水泔泔飛瀑山拖紳懸霧樹掛
幔花容盡離披柳絮遭錘鍛莓徑欲生潮麥隴真翻瀾殘莖

續文書屋集卷之二
華不揚敗稔漿未半驛驛東臯苗舉族長泥爛神瀆強抽萌
凍冰苦拉幹前矛旣捐軀中權復邁難惟有稗青田逞勢見
雄悍辜負勤力農農言君勿歎鬱鬱晚翠苗倍收可歷算殷
憂啟聖賢百物亦同斷

田鼠

堤東堤西轟鼓鑼扛擡傀儡遣么磨黃衣麤筆掛旗幟厭勝
碩鼠葬江阿長鑿破路斲地窟斬頭陷胸尸滿坡嗟爾田鼠
固自取公然白日作鬼魔呼朋引類乘水勢盤踞良田造大
窠咬穗剗胎寢其葉封豕長蛇肆揆磨今年淫雨秧麥死危
中攫吞腹皤皤穀價騰踴無處買輾釜忍饑待新禾婪酣大
肚遭一飽坐見赤子皆病疴我聞迎猫古之禮先王祭報豈
有他天網磕匝難逃匿嗟爾田鼠奈若何

出門哀

摘存

年年飄泊斷親袪空寄清江白白魚今日麻衣衝雨去阿誰
酸惻傍門間

垂鞭信馬路西東古渡荒烟暮雨中桃樹無端花爛熳偏迎
素襖發新紅

三載父書不欲觀教兒何處覓熊丸子規那管人心苦啼盡
空山夜月寒

遞年旅館報平安新婦盤中加一餐若教黃泉通有路仍將
兩字寫書端

斜陽十里草萋萋一橐催兒上九谿百計平生難了事殘魂

斷送澧江西

三遷姑宅失佳城蓬廠哭天又喪明長憶庚辛山水五年

何刻斷哀聲

十年先骨齧桐山一匱遙天水幾灣料得嚴君詢母墓失聲

衫袖淚痕斑

少小心期掣海鼇連年淹滯一青袍可憐堂上中秋月望斷

江天客幾艘

有感

柳絮衣冠杜宇聲平林厭聽鳥嬰鳴封姨誰識人間苦一夜

風霾碎藥蘅

江樓晚眺

望遠高樓上江天餞納暉一園紅葉亂幾處白鷗飛嶺月穿

雲出溪燈隔岸圍城頭多織女軋軋響支機

秋風歌

為劉秀才西齋作

秋風蕭瑟秋月寒隴上白露暗菊團黃昏山北雲初起野渡

無人水翻瀾過君齋頭戶蚤扃問君何事心不寧七月陽侯

收禾稼家貧母老缺肥腥實不是貪富足又非關戀口腹聽

我為君歌歌狂勿頻蹙天不滿東南地不滿西朔宦不滿仁

義士不滿酒肉無肉便喫飯無飯亦食粥但得承親歡何嘗

厭水菽君不見玉川先生栖洛城上有慈親下添丁抱經嘲

同異落筆好縱橫勸叅留守走揜耳赤脚長鬚閉巷闔又不

見紫陽夫子門庭荒灶陘十日九不煬壽母自愧乏甘脆母

晉文書屋集卷之二
曰榮耀胡可常惟有道義無窮盡自勵勵人天降祥天降祥
升母堂人生樂事孰踰此我不如君君勿傷四壁爲我聲凄
涼

張邑侯新作范文正公祠落成歌

文正之祠何壯哉層樓岌業宿斗魁龐鴻崩劣百川洄謝山
梁藥屹崔嵬憶昔石址卧青苔鼻負螭碑倒塵塵雨淋日炙
碎風雷神物守護煩喧冠春秋祭享對荒臺蕉葉浙瀝鬼悲
哀滇水張侯操刀來乃新斯宮狀偉魄寢成奉主妥金罍鐘
鼓砰鉤禮數該俎豆遺晦傍水隈秋翻穰稔夏牟秣左右前
後墾荒萊欺隱霧消田每每特興義學廣栽培濟濟多士受
割裁課校丁寧月幾回春風夜雨飽藿枚大官艤舟常低徊
騷客題吟何麗瑰野我澁勃漫趨陪范公勛名夙仰推

嶽麓書院

矯首朱張風雨庵亭臺歷歷費窮探牂牛誰掣鯨鼈柱朱子登嶽

頂詩云所恨無十牂虎猶蟠玉石函劉禹錫禹碑詩云古石
瑯玕姿秘文螭虎形

水擁湖湘朝海北天分翼軫照江南千年正脉流傳遠我欲
從之愧未諳

洞庭湖阻風

九月石尤風怒號洞庭湖岸鎖孤艘重雲壓覆霾白晝千巖
萬壑熊虎嘯十夜蘆林柴糧盡有錢無買口嗷嗷衡州長年
負最能撇漩梢瀆記吾曾欺風撐開行艤子春天一浪山騫
騰浪灑勺智爭喧冠搏石碎磔空谷雷振翻桅柄舟掀底去

崖數步險千里猛漿揉濤却復前牽舟依泊山罅裏嗟爾長
年宜書紳人生禍福會相倚禍福相倚事如何知命不肯巖
墻死

南嶺覓米

病客困苦海覓食陟崔嵬山形何蠢頑萬樹塞天載宿雨流
羶襟滑泥上禪腿負薪者爲誰歇石儼伺待前問一婦人婦
言客無怠猛虎憑其威鋸牙日厲乃林外娶婦家有米價三
倍香燈列堂中新人拜姑翁腰間帶垂白頭上花插紅土茶
與濁酒延客必雙鍾老翁相爾汝長沙底處所汝從何處來
底事被風阻俺家無餘糧前去五里許有一大學堂箇箇讀
論語盤紆歎齋門其師忠宣孫其徒送升斗豆麻傾酒樽殷
勤勸速去此處到黃昏果有狼虎叫滿山恣攫吞陰壑尋舊
路上船欲招魂

安福縣旅店覓書得秦漢文一本

風風雨雨失山樓五斗難消萬斛愁野老荒唐無版籍殘籠
敗紙覓羸劉

宿豐州西門外

時遷先祖妣
之柩東歸

茅店西關外焚香定匱安殘燈荒塚亂濁酒旅音闌哀玉流
灘碎悲風入角寒遙看山外日排雨出雲端

哭族祖步衢翁

嗚呼翁去太倉猝使我捫床書咄咄翁昔少年擅清才摩空
巨斧砍秋月黃金虛牝竟無裨南轅北軌徒顛蹶我慚青蒿

續文書屋集卷之二
依長松翁竟忘形比鵜歷洞庭洶湧莽翠微長帆高竿肆排
訐鯨湖金輪繡水蘭悲喜瘠肥不秦粵牛星張角箕口揚流
言風傳獨稽核正月宿我北槐園酒闌燈炮語難歇觥頂交
跖字命余術者之言雖恍惚我家兄弟數畧同六十後前犯
星孛澧陽分手未幾時痛我微軀背疽突天公高居鬼神橫
默愁性命難度越豈意凶問一朝來翁忽墜馬翁忽沒橫岡
林樹摧虬枝失聲流淚瀉深樾羲和鞭影令行秋日落烏啼
氣窳窳人生有命非由他嗚呼翁去太倉猝

文正書院弔范公

名賢勝蹟有書臺攜得中庸數卷來覺海燈通秦漢蔀扶天
手共洛關開公以中庸授湖山夜靜依蕉砌池沼風清映水

隈憂樂心期千古在祠前一瓣日低徊

題明漳南總戎阮公及金夫人授命錄後

死流賊之難

丈夫生不逢盛軌揮戈莫轉虞淵晷一朝寶劍削寒芒馬革
裹屍還鄉里昔在明季拂天常文官愛錢武怕死黃巾陸梁
喪龍韜總戎請纓壯南紀保護琛舶邊外寧雷鼓風槍掃旬
始雙持使節鎮海天梁山揭竿突封豕城守單弱士民饑撫
按觀望誰角犄誓殺瘕狗督偏裨除夕卷甲趨漳水八百義
旗匝地揚晨驅苦竹摧賊壘枵腹奪山呼一聲人馬辟易墮
鞭箠河橋路坼失前鋒衆寡勢懸伏兵起提刀斫陣隕將星
誰其從者何南璽是日乾坤大晦霾狂賊驚竄城不毀達官
交請卹忠魂龍髯莫攀長已矣是時公配金夫人奉姑泊舟

桐江沚山寇嘯聚索宦金孝婦奮身墜淵底婦死全姑夫死
軍泣鬼號神聲震耳血衣淋漓出巾箱瞻拜雙像留殘誄嗚
呼勝代亡國臣殺身猶許垂青史奇功奇節稱二難恭逢
興朝揚前美忠義如公真無慚誰闡幽微應獻此

書邑侯黃芝園太史興山志後

嗚呼馬遷不復作青史誰與傳筆削先生鳳沼著鴻裁小邑
雷吼驅山鐸紀實編年法謹嚴十門眉列慎詳畧眼前紛紛
多穢書六州有鐵鑄一錯安得如椽備三長火燒諸簡新炊
酌

題文文山忠孝廉節墨刻四字後

浩然正氣塞蒼穹半壁江南掛寸衷莫問清和還運泰那堪
道義泣途窮山河百二煙塵外寒暑年華霧露中宋祚頽危
臣盡瘁出師表後見公忠
忠孝名元應運生孝之至也與忠并頻年航海懷君淚萬死
投荒念母情江浦烟嵐麾義旆潮陽墨經戰殘兵更憐歸骨
山邱日南北同時到古城

痛抑豪華凜戒嚴眼過聲伎意如惓印身欲逐垂髯老爾室
寧貪賸馥沾卷有長歌爲燕翼囊無阿堵伴琅函鄒輿訓典
纍臣記七筋熊魚未可兼
萬言長策對彤廷鉄石肝腸照汗青吾道非歟何至此臣衷
罄矣不遑寧留將浩氣還天地炳彼丹心示典型忠孝節廉
夫子備如椽大筆護神靈

憶昔 丙午丁未連年大水

憶昔丙丁歲秋禾沒鴻川饑民公剽掠白晝聚千船峩冠講
學士花帕為長年裸身麾什伍劫穀搶官錢官兵分追捉鳥
獸竄爭先大波蹴地轉旬轟猛以過浮屠隨浪去拋碎永不
還連村撤華屋比戶棄良田朝餐鴨舌菜暮煮紅蓼鱸持男
索斗粟掉臂不悲憐千錢買少婦轉販若流泉舉舉名家子
為奴忍箠鞭獻歲復大疫積屍堆道邊舊時冠蓋里狐狸噴
腥羶蘆荻高壓戶晝砍夜復鮮
天子哀人瘼發帑動萬千監賑惟周子 謂聘侯先生時為龍陽令災氓解
倒懸打鐵有孫令嚴刑及顛連何辜吾鄉里回憶每惻然書
以示兒輩履豐尚慎旃

黃山

步出山寺門高塚屹然峙借問此何誰謝晦宋刺史其生如
之何其後乃爾爾一朝訛姓名千年空食耳吾聞古聖王祭
法各有以雲雨見怪奇曰神在於此

再上都門酬別車秀才澧江

十年夢寐曲江濱每歎虞翻骨相屯策馬關山秋月曉黃花
萬里護征人

螢渚風回唱別聲湖天紅日照杯明溫生今有昌黎序冀北
驂羣一再鳴

哈薩克稱臣入貢排律百韻 有序

乾隆二十有二年夏六月定邊右副將軍兆惠等奏言臣等

憑藉二十二年夏六月民風變遷
威靈宣揚京師聞人貢將新
文德有哈薩克汗阿布賴悔過投誠願備藩臣爲屬國謹遣
頭目齎捧降表入朝并獻血汗馬匹達微忱臣謹派兵護送
繕疏以聞

聖主八荒在宥六宇同仁雖遠畧弗勤而鴻休遙播含生之
類靡不尊親內向喁喁義無忍却乃諏日辰告

郊

廟受圖籍膺貢珍會羣后燕陪臣樂和禮備下舞上歌甚盛
軌也臣某名叨班列職在頌颺竊考哈薩克卽漢大宛也漢
武愛宛之善馬遣使求之匿弗肯予乃命李廣利爲貳師將
軍勞兵遠伐僅得馬數十匹其人仍頑不卽工弗王弗享二
千餘年茲蓋伏遇我

皇上謨烈顯承聲名洋溢上天眷佑式廓彌增故使異域稱
臣不招自至蓋自西旅底貢厥燬於今再見然而哈番之道
姬室未通周武有助方茲福矣臣某捧讀

聖諭及繙譯表文無任忭懽不揣陋愚謹作五言排律一篇
凡百韻一千字載明事實用恭紀

天子德威傳示無極其詩曰

治化周天壤車書會

帝京恭憑

神武德遠撫鬼方氓底貢緣心服來王豈力爭欣看千里驥

獻自貳師城溯昔宛戎地於今哈薩名尋源槎僅到索馬檄
空行縱得降王首仍寒上國盟旂常虛紀績廐牧濫揚聲裂
土酬元帥釐圭慶瑞禎疇憐西極駿竟喪北庭兵從此踰唐
李由來越宋明憑頑誰欸塞阻險莫朝正棄質烏孫壻奸威
贊普甥驍驕春不貢角弩歲相抨泰運乘昌盛乾符握

聖清照臨光日月芒色掃欃槍

御幄鴻猷遠遐方小醜平揮戈蒲類曲淬鏑涿邪坪草木蘓
時霈陰霾散早晴虞階纔舞羽漢譯已懸旌雨矢穿羆貔霜
矛滅馳颺加恩全部落布令拯鯨災日暖蓬婆雪風溫蕩俎
萌花門空壁壘積鹵闢夷庚不夜關常曉無雷徧轟他年
安笥爽此日恆惺惺請罪思叩鑿求哀欲庇帡聞聲禽鳥遁
夾道酪漿迎未預長楊獵先號細柳營歡然輸欵曲喜可啓
昏盲懇懇歸仁切惓惓向化誠啣枚遮叛鏡捧

勅砍遊鯨進表虜忱揭稱臣兒背縑可汗邀策命窮髮托生
成外域尊親念中原士女情鷲鋒乾戰血魴尾釋勞頰野靜
駝鈴圓人分虎竹榮拂廬陽入戶甌脫律回楹綠滿葡萄酒
紅連苜蓿英惟茲黎谷產實爲

翠華生朱汗驕傳贊銀題巧作伴邊笳隨轡咽塞影趁蹄瑩
弱水諸番路崑崙幾月程雄姿添礮礮逸態倍崢嶸濩畧踈
冰裂驍騰踏電橫玉門歡蚤入沙苑喜長鳴競覩曹髦畫何
須伯樂評飛軒虬躡坂走陌燕駢衡漆趾夷音渺驄毛獸舞
輕來東親鎬洛拱北厠簪纓物簡儀成享詞真意曲縈龍池

瞻敞冕鳳闕羨葱珩禹甸山川博堯心覆載宏推誠能感格
慕義匪兼并遠畧余何願遙聽爾自怍勞謙君子吉顯比後
夫驚柘羯皆胞與旃墻亦棟薨陪藩同狄寄稽顙妥瑤瓊絕
漠歸斯受窮荒治漸更經綸開草昧運世正元亨敬纘

三朝緒恭惟百度貞郊

天豐玉帛告

廟潔牲牲屬國疆咸附樓蘭勢就緝鬻魚難假息幕鳥詎偷
瞠賊刈藁街鉞田升桃塞秔淳風吹葦籥瑞穗發苗菁瀚海
修溝洫洪河捲旆鉦千官鵠列肅萬國藿心傾伏櫪麟遊沼
開筵鹿飽萃深衣陳藻火雅管奏韶韻象駟餘金絡形鹽足
鼎烹

宸章陔溼播

睿想策籌精息事收降虜寧人撤侯偵微臣觀訓論論古考
寰瀛陞設呼韓座廷齋突厥籟焉支銘削劣滴博戍孤撐大
食刀曾佩渠犁晦可畊何如周室烈不假漢軍令雉獻威逾
遠燹來響益旬咸賓奚耀武作誥倍持盈

紫禁箴同惕

皇輿量莫竑天文濛汜狹地理勃鞞羸五狩環恒岱諸侯輯
瑤璜峒山當警蹕魯殿陟登閣禮定淹中籍音搜嶰谷伶齊
根徵肉脩秀氣長芝莖嶽鎮銀團甕波恬水渡罌龍駝圖象
現龜負範疇呈異物非吾寶賢人是國楨兔毫鋪簡牘鼉鼓
戛膠鬻尺蠖寧終屈連茹卽彙征豹韜藏武庫魚服掛書棚

續文書屋身卷之二
永放華陽騎長還慈嶺朝羲圭恢宅里亥步陋寅絃熬極干
秋奠珠盤八柱擎昇平同受福頌祝遠稱觥瓿球冰簾瑤
階鸞噉笙葵忱逢際會雀躍載颺賡恥以簣桴響殺之錦瑟
鏗騰歡恭紀錄覩語昧蚩僇

完縣觀蓮花池

步屨北城隅團瓢夾芄麥大娘舞袖翻鼓吹敲笳拍高臺面
荷池徙倚廟前柏池樹碧四圍池草平如簣飛燕蹴清波瀟
蕩中微劃鶴汀列酒壺葦筏爭求索好風天際來微香熏肘
腋我本楚狂人亦有愛蓮癖蓮葢纔抽萌聊以濯吾跣歸尋
小洞天殷勤華蓋客同心呼濁醪祖跣浮大白丈夫七尺軀
乃爲蠅蝸役浩然發一歎嘹天聳健翮

盤古村

八十六君史不存天開地闢向誰論燕平西路荒山裏父老
猶傳盤古村

北闈榜後李明府麓堂邀觀西山柿林時惟落葉滿地
有感而作

陟嶺尋芳又歎遲風飄萬片益淒其紅顏強半隨流水碩果
依稀戀舊枝寂歷寒泉人徑外荒涼古洞鳥歸時使君地主
欣相慰酌取清樽酒數卮

秋聲剝落懶妝梳老去還悲壯不如生理難憑金薤字浮名
祇益貝多書蕭森客路嘶征馬浙瀝山村擁廢廬誰念殘紅
回一盼上林春發正扶蘓

送段明經秀南南還

山城並馬度霜砧客泪雙垂秋樹林最是他鄉逢落葉况經
失意別知心中年身事誰憐惜駭俗文章共討尋肯許金門
重聚首一樽細校短長吟

和燕平書院師生元韻

小春日暖意興豪燕平精舍逢英髦跋扈飛揚筆陣塵歸來
投蚓響騷騷引動羣儒揮月豪矯如素禽鳴九臯奇如活水
翻怒濤清如列僊奏雲璈疾如長風飛萬艘篇篇於我錫袞
袞汗流永日僵且咷譬若南郭濫由敖一朝吹竽急騰逃又
似橫渠講座高忽遇兩程徹絳幘吁嗟亡羊思補牢十載騎
驢敝青袍饑驅曲水枕書糟陽公故里悵蓬蒿暮雨寒雲落
城壕欲訪師範就甄陶每讀遺文心怱怱狂歌寄謝慚鉛刀
請惠碧巵鷓鴣膏

聖母陵

望都城裏拜唐陵數晦山園碧幾層驛路黃雲喧鐵馬虹橋
紫氣護霜藤同根翠柏三皇系陵有雙柏一株一幹三枝一
株一幹五枝匾云三皇一本
五帝同根一井寒泉九派澄聖母泉流
入九水聖帝開天尊聖母崇岡萬
古不騫崩

雁字

生來鳥跡識真傳畫印鴻濛不記年衍母中分千萬乳書空
人譯後先天雨昏湖渚臨池黑霜落塞門拂素鮮總為春秋
尋筆削飛豪南北掃雲烟

別李麓堂

結契爲兄弟支離此聽琴由來文字合直取性情深艱苦繁
霜髯蹉跎夜雨音風塵應有夢時繞大鬼林

深州蚤發

亦有山陰興隆冬千里來故人如夢寐旅館獨徘徊薄雪隨
風卷輕雲逐水回侵晨懷北路一笑度城隈

黃河

屈曲中原萬派收洪河袖領水諸侯開天筆蚤傳龍馬貫月
槎曾拂斗牛波捲千山朝碧海氣蒸五省擁皇州
聖人有道清徵現明德長同禹績流

文正書院口占

六載重來登此樓蕭條學舍發新愁當年朋侶今何在惟布
雛僧憶舊遊

三上都門別王秀才東白

中年常道路首夏復征行別去頻先甲歸來幾後庚火雲環
日月銀漢擁欒槍旅夢關心事殘宵入耳聲童烏元莫預子
木數終亨暢以浴閩理兼之莊老情洪湖魚北躍紫塞雁南
征擾擾衷如燾遙天自企縈

別劉秀才雲仲兄弟

水色涵芳草鶯聲轉綠枝當余行邁日與子別離時澧浦晴
雲捲燕臺曉月曦遙天同努力各以慰相思

柿林紅葉

續文書屋集卷之二
飽歷風霜意象閑秋園萬樹盡韶顏乍驚火傘回寒日漫喜
金丹出遠山赤玉函開螭虎篆朱虬鱗擁碧雲鬢應知楚客
尋津處忽渡桃源路幾灣

釣魚圖

袞袞馬塵匆匆客路幾時得俯挹清泉仰依茂樹一川明月
共清風科頭箕踞垂釣具既不貪渤海鯤又不喜岷江鮒勘
破古今上漁舟悠然自得濠梁趣遊魚忘我我忘吾河上人
誰知其故

建陽道上

朝發建陽驛飄飄細雨風濕烟盤草舍遙瀑賽星虹半老秧
爭水垂枯豆拒蟲馬驕知習坎兒戲識包蒙野犢穿雲出山
雞帶潦衝墜泥憑北叟問俗憶南公生事曾題柱年華似轉
蓬團林吾得句天地一詩筭

荆門州客店

此州稱最勝雄鎮虎牙關平劈荆襄水牢收楚蜀山掇刀危
石古踣馬細流閑旅壁何人句於今不削刪

同張孝廉度西和李麓堂登良鄉城樓望西山元韻

从策金臺馬新吟玉笥山望中如列笏奧處欲連環地枕雄
關險天依曲水灣自公多暇晷層嶺見春還

和張度西城樓上清高閑曠四絕之作

雨洗郊原淨清於水國城何人如謝眺懷古以詩鳴
喜近長安日高瞻首不搔先秋盤一鶚百鳥自紛迤

續文書屋集卷之二
青牛何處是紫氣已臨關應爲關門尹閑遊姑射山
心跡雙清遠曠然此一望情因禾黍怡志以水山放

又用前韻和梁明經子後

消閑頻作賦適意獨登城何處間關鳥不同剝啄鳴
狂憑烏几坼醉把玉簪搔箇裏無窮趣豈因有託迹
涼風吹北塞暑氣度南關中有高吟者遙看山外山
小立近郊樓修林時一望江山如有助頻使厥詞放

悼琉球國官生梁允治金型

咄咄兩官生久米名家子生長海天南相隔萬餘里北學入
成均見我哈哈喜如何兩月餘相繼而至此金生積瘵癆初
見愁難恃梁生敏且強勇欲追前美堆架洛閩書輟碎惟近

裏手著已等身質問忘移晷日多清吟慨忼摩盛軌更老
顧之歡叮嚀細磨砥豈意命俱乖一病長不起

天子卹遠人後先

賜恩旨葬之利禫菴厥塋亦修理錫之養母金高堂供修瀧
兩生素心人存沒總相倚九泉更奚尤得茲亦幸矣嗟余何
所緣挾冊來槐市騎驢六七年有如萍泛水值生四人來遊
師慎擇使相逢喜盍簪意氣諧商徵誰知歡聚場忽成憂患
壘人生天地間合離各有以况與異國人結契寧漫爾先笑
後號咷毋乃太遄駛獨坐不能眠側聽魂在几歎息遂成詩
感念何時止

送層耀兄下第南還

續文書屋集卷之二
師門一榻共鑽研轉瞬流光三十年老去纔同邀鶚薦春來
猶暫阻鶯遷亢宗自昔推游吉作客人誰識仲宣五月燕山
風雨路送兄不覺淚潸然

祝金雲峯先生八旬

看破浮名一羽毛歸田幾載望愈高天星共仰東方朔邑宰
猶尊北郭騷幾樹青山成杞梓諸孫碧海掣鯨鼈燕雲久隔
耆英誨遙望商顏晉酒醪

琉球學卽事

此外有已入見
聞錄者不重出

唐榮村外酒那霸港邊梨花際麾倭犬槐陰宿島雞由无繙
舊簡哈立索新題拂拭松雲紙朝鮮未與齊

由无哈立兩僅
也球紙潤而堅

恭祝

聖母皇太后七十萬壽三十韻

呈進

天生

聖母錫純祺

帝奉

慈顏慶介禧殿上龍衣歡試綵宮中玉膳喜含飴以天下養
長娛悅如日之升允緝熙鳳絢層樓頒詔會山呼八伯捧觴
時仰欽萱陛貞明遠同祝松齡戩穀宜道邁胥登床游至輝
齊任妣福多綏廣生大德綿坤載難老徽音肅母儀氣潤六
符雲靄靄春回

萬歲嶽屢屨九天玉檢隆尊號重譯琛航介景釐闔澤無邊
開壽域璿暉有永覆蕃籙鐵門路輦葡萄酒沙苑閑來驟駟

驪瀚海南東疆命虎筠冲鳥火宅分義喜逢

皇極符

宸算旋值椿年慶

聖慈錄捧元狐王母降天開紫氣壽星熺雪兼茵苜苻浮彤砌
陽自蓬萊到玉墀晷影長來添繡線風光乍扇解流澌夾城
翬鳥榮於錦沿道亭臺燦似棊象板鸞笙音歷落魚龍曼衍
舞歲蕤吉辰紫厨還長樂歡響華封徹九遠寶鴨香濃飄繡
陌銅烏仗引拂瑤池御溝花覆琉璃瓦仙掌露團琥珀卮律
煖霞觥環雉尾晴曛珠箔繞金枝旣申懋典歡無極還沛
溫綸澤遍推爵晉鵷班深雨露材羅蒞榜起蛟螭耆黎亦荷
朱提錫村姬都邀玉粒施遂有需雲同宴樂仍多解雨散羣
疑令譽叠觀休揚傳佳節希逢福備箕得一從教純嘏集登
三自見太和頤綺闈頌禱超千古頽壤謳吟徧八寅天意歡
同人意永億年長賦九如詩

賦得從善如登

癸未會試
欽命題

希賢期入室爲善擬登巒聖域宮墻峻靈臺富美完允升階
習吉敦良土誰安靜驗天根秘遙瞻月窟寒鬼神萌蘖細宵
晝擴充難卓爾才方竭從之力莫殫我

皇恢舜典人治捧湯盤至德齊穹昊巍巍共仰觀

賦得大禹惜寸陰

癸未朝考
欽命題

務學思神禹終朝惜寸陰平成天地事惕厲聖賢心四載常
勤敏僉謀急考尋旦明虞晦仄荏苒畏浮沉易去羲和馭無

窮鼓鐸音日中王所假天命帝之欽贊贊臣鄰志孜孜黼座
箴登咸瞻上理德業倍淵深

送劉刺史西巖補官江南

姚江盤錯播賢聲強項還歌一葉清歸去人思仙令尹到來

我見舊儒生攤書夜弄濂溪月

案頭惟近思錄一部

洗硯朝磨鬱水坑

性愛端硯

五馬從知多異蹟不教蜀郡擅芳名

輓席太翁

我之曾叔祖翁之外大父

學鑑字我正

天奪伯道兒彌甥光門戶

與我先君交朱陳襲遺架余時方髫齡隨兄拜堂廡祖姑兩

老人捫頂相誇詡是子不常姿珍我如玉樹重之以婚姻大

兒勤摩煦回首三十年忽忽如豐蔀祝翁望江南訃來淚如

雨翁壽已耄耄何必戀塵土悠悠我之思一經長參伍貞卜

玩易占雲遠漸鴻羽何時副素心不負翁期許夜臺遇先君

勞翁相慰撫

聞家鄉有年口占寄內

日宰新雞煮嫩瓜鄉園今歲足桑麻山妻饒有田家樂收拾

木場揀絮花

種菘升場滿地香新糕如玉美於饴兒孫羅列供嘉味應念

京華第七郎

輓張函暉助教

一官拓落老虞庠酒榼書籤送夕陽作誅安仁頻洒淚招魂

宋玉盡迴腸斗山望重譽長在今古文存道不亡鮫客幾回

傷往事時驚車馬到西廂

哀車灋江

欲叩天門鎖未開修文那即召雄才江郎花蕊歸何處賈傅

鴉聲漫復來五夜殘螢留灋渚千金駿馬想燕臺關心藥裏

披遺牘感發風生庾信哀

余時病背疽聞君主癰疽舊作益增悲感

我生落落少知交獨喜親鄰有董鼂駭俗文章雙鼓瑟凌空

意氣並題橋天涯心事憑魚雁海上烟雲想鸚鵡今日斯人

長已矣他時誰與和風騷

歲在涪灘春放花扁舟相約赴星沙占逢大蹇神如響事以

孤睽鬼載車龍虎先吟風雨擢

君與劉雲仲舟中聯句

雪霜徐泛斗牛

槎深宵歡迓十年事回首湘關重嘆嗟

傷心邑里碎瑯玕凋謝鍾期

謂家曉占

又呂安千古乾坤成獨往

一川風月許誰看鴻裁空聽雷門響雅度長思繡水瀾地下

應知人世事衰年病肺賦彈冠

送天門溫特菴還里囑覓郝氏九經解

特翁古貌又古心竭來橋門坐槐陰歲在己卯冬之仲同余

文戰發龍吟震如垠崖擺雷浪刻如工倕巧雕鏤傲如深叢

見羆虎嚴如盤孟列銘箴三年結契南北監酒後縱談稱知

音一朝期滿將還里攜手託君結想深昔我愛讀鍾譚集慧

心法眼掃祆褻既玩京山九經解中天萬里豁霾霽可惜虬

蟬撼大樹傳注正義猶晦沉安得登堂摩指跡

聞公解經堂有穿墻指跡

攜我經義相推尋安得為我覓真本寄我含咀值萬金

題戴箕圃師負米圖

吾師孝友吹笙雅燕臺疾策南轅馬奉母還鄉過庭皆侍膳
稱觴祝純嘏臨行示我負米圖神妙道子恭傳寫青山紅樹
路悠悠重趼一囊行郊野百里為親羨名賢况是榮祿奉養
者金闈碩彥肩黃梁白華之自古更寡一路清江入饌魚七
年綵服承歡學仰惟夫子鼓洪爐春秋兩闈富陶冶片玉一
枝都在門側陪檮櫟顏如赭即今羣公題畫詩千軸萬卷飛
縹瓦才薄將奈錦箋何青門惟許酒頻把

琉球國中山王表請諸生歸國時余病疽已七月矣口

占一律

甘旬卧病繹殘書長夜呻吟遣小胥不死乾坤寧有意再生

天地竟何如立誠敢許希君實奏賦由來薄子虛

五月引見以奏對

未稱 旨歸班或謂 不宜太老實故云

四載傳經剛竣事蓬萊翹首紫雲舒

後選

福山到府即登蓬萊閣不覺恍然

書大福嶺筵

有引

梁生行官曰松島世名大福嶺琉球國那霸人也事諸生暨予最謹肅梁生卒收拾其行囊無所失春秋朔望輒典衣為穀饌祀之四年如一日辨義利摘聖賢語錄書座右工其國依魯花書用球法讀小學四書夜深猶聞牙葛聲賢如衛臣僕當不老私家矣於其歸詩以張之

一瓣長尊舊主人忠謀古誼舜天民

琉球開國祖曰舜天氏

心無機變

寧懷土室有箴銘不浣塵依魯花書龍踴躍爰

列平聲

呀葛響

玉璠璘球陽會見搜巖穴許爾公朝安鞶紳

登蓬萊閣

石磴雲巖取次攀蓬萊高閣枕雄關平臨四面魚龍水坐鎮
千重栲栳山徐福求仙長不返張騫泛斗幾時還欣逢萬國
梯航日橫海樓船戍鼓閑

福山雜吟

十年獻賦近彤闈兩水觀瀾撫素徽地以殘春花細細天於
晴日雪霏霏古城荒塚龍腸嫩廢道平沙鹿角肥雷雨驚傳
聽海嘯山樓六月擁寒衣

龍腸鹿角皆菜名
之罕有秦皇廢道

山川禹貢記岵夷劉豫更名竟不移好古猶尋羲仲宅多文
久廢李斯碑槎無童女求瑤草戶有耆眈織屨絲莫以魚鹽
卑相業烝民利賴到今茲

忝竊親民師帥官循行寧惜跨輕鞍高華猶日餐杯飯爇獨
何時飽稗饅四望童山薪似桂一畝薄地草如蘭昇平豐樂
常愁苦破屋荒涼不葺完

瘠貧人每厭家居塞北征衣忍絕裾到處閒民珍職事希聞
蓬戶擁詩書倚門垂老鄉音斷結髮終身夢影虛收養多方
宣德惠捐輸歲歲費躊躇

祭太平頂龍神祠有感

為行報賽陟崇巒禮拜餘閒立馬看四野黃鋪金的爍千山
碧擁玉團圍海邊曉霧連河濕天外罡風過島寒厚祿曾無
裨補日栽花寧許學潘安

山行記事

聽訟適南諸着屐步層嶺由來桂為薪松嵐肆兼併古刹鬱

黃山其泉清以永誰求七祖禪覺海燈長炳絳帳得姜君名

寧海廩生獨牽汲古綆殷勤夜論文鍵戶密修省弟子二十八孫

生早脫穎侵晨戾善吟獅子山勢猛古洞響玲瓏洞曰玲瓏洞披

拂清風頂在獅子山西其西為塔兒小天悵溟滓都督與椽樞俗

稱皆可屏清風頂之西為塔兒頂頂西為小天兒其南為椽樞頂其東為都督頂誰歟釣魚臺

又非穴為丙塔兒頂西南為釣魚臺層峯見冰留椽樞頂外有峯曰冰留長夏晝

日冷中有紅樗菴亭午見晷影玉泉上魚兒一甌烹香茗新

碑難摩挲舛訛誰校訂如訛紅樗為紅處之類午餐戒僕夫莫畏巉巖

曠虎豹雜虬龍行行還息靜饑啖地棗皮渴飲峯頭井升高

足愈躋接要心還憬駭汗下羊腸跼步且持挺險阻備嘗之

乃得道挺挺回顧所來途一線修萬仞安樂轉驚惶乘馬未

敢騁仰止峇壚山烟雲接滄溟靈泉盤蝸房悟得洪荒景瓦

蟾一以藏無復辨羹鼎徐從招提遊咄咄招提境羊牛之所

棲片土不乾淨我非佞釋迦性亦慕張邴勝景越千年雞僧

乃不逞敗此選佛場豈非政之肯有廢宜舉興書以備箴警

題謝州倅立菴及其嗣明經琨崖詩冊

亭午出西門遙望西山麓中有謝君廬深樹蔽茅屋抱膝愛

林泉高吟成卜築亭前一徑幽環以松柏竹細泉何淋漓好

花綻岩谷琳瑯千萬篇金薤披卷軸藹藹晉醇醪羅列山殺

藪清風入襟懷飄然遠塵俗塔前有鳳毛才力復雄獨我本

楚之狂狂歌未半幅乃為牒訴人敗興不能復忽接雲錦緘

展之珠歷碌萬言軋層霄清發邁前躅神瀟湧赤霞天神拖

青瀑瀕洞簸乾坤鯨鵬相鞭扑俯視轅下駒行地何局促想
當得意時雲海盪心目從此和其聲梧岡苞翩翩

郊城差次酬周二尹良夫及其嗣秀才東洋

于役至郊墟投刺哦松屋令子出延賓清標森綠竹笑談挹
羣言胸羅天列宿主人自濟回疏濬在河瀆一官二十年強
項不局促我生墮風塵驅馳慙鹿鹿入座聽嘉言疊疊開心
目每云宋商邱曾食福山福作令甘清貧厥子管樞軸廉吏
信可爲貪吏空怨讎有味沁心脾况復饋粟肉東洋古爲徒
驅策閑輿輻慷慨贈長歌輝我見聞錄罡風簸海濤雷起羣
龍窟俯視萬川流一勺徒滲漉方今盛文章揚馬競馳逐揣
摩有陰符東洋自選一編題曰陰符一戰摧羣轂力扶大雅輪後來更誰

屬

南巡回鑾迎駕詩

登咸上理軼虞唐五載時巡下土方麗日祥烟迎玉輦明流
濕翠捧牙檣連營地轉千門綠駐蹕風生九野香父老江邊
齊引領

宸遊四度幸南疆

爲答輿情望幸虔吾
皇鑾馭扈金駟登臨總奉

慈闈訓補助都因孝養宣纔覩覃恩周海宇旋欣大澤普江
天歡聲萬里謳歌徧清問猶虞有倒懸

翠罕青旗念老癯方隅徧歉塵

續文書屋集卷之二
宸衷全蠲逋粟紆農力誰買新絲害女紅浩蕩江湖金匱匣
昇平莊舍玉玲瓏十行

天詔肫勤意海宴河清歲屢豐

洪河三次泛龍舟

聖祖神功世作求此日榮光魚屢躍當年赤字馬頻浮長淮
浪斷桃花水高堰堤回竹箭流瓠子宣房誰得似平成千載
仰

皇猷

帝眷東南重海塘西湖信宿刻難忘命官相度紆籌策駐馬
親臨審石防地捲潮聲摧雪岸天懸日影照鼉梁恬波利濟

承謨烈

聖祖御題恬波利濟匾額

重勒穹碑鎮越疆

巡行禹跡詰兵戎至治難忘講武功細柳長松春較射伏波
橫海曉排艤如荼如火吳師盛中水中軍越卒雄

聖主旌門頻簡閱謹呼

萬歲震霄穹

南國人文愜

帝心諸侯羅網萃球琳龍蟠斗野連牛野花發華林到武林
泮水橋環龜象貢梧岡樹噉鳳凰音大科小錄無遺美雲漢
天章作育深

光分

行在爛星辰帳殿傳宣錫賚頻徧布金錢頒耆老榮加爵秩
禮賢臣銀鬕翠管需雲盛鼉鼓雞竿解雨新夾道歌呼扳法

駕年年翹望屬車塵
南江旋旆幸東山
舊典新恩次第頒
屢泣宮墻輝聖里
重臨鄒魯悅

慈顏天門露濕秦松古
日觀風薰漢柏爛
爲省春耕隆望秩
道河周嶽綵旃還

望嶽

喬嶽如何岱最神
包涵元氣德爲仁
巖巖本似鄒夫子
渾渾還同魯聖人
絕頂雲蒸天下雨
中峯帝出萬方春
高懸日月

瞻

宸藻不數穹碑有漢秦

登之朶山

獨上之朶第一峯
碧天曙色混鴻濛
千年浪洗秦碑綠
萬里霞環海日紅
島嶼桑麻皆大葯
鯤魚變化有長風
官山遺蹟今何在
當路誰誇管晏功

和崔撫軍紀恩恭依

御製詩元韻 摘存

紅杏園前

玉旨宣迎鑾敷奏
寵頻遷公真有德
來神雀

君賜無疆首廣川

詔錫花翎文炳煥
班隨扇影象清便
一朝鸞鳳爭先覩
冠冕

台衡軼大賢

賜花翎

三錫頻承異數宣
傳呼馬上喜騰遷
山龍色比葵傾日
黼黻

輝如菊映川補袞一心惟一德賜衣安吉更安便黃中積悃

宸眷象服從知表獨賢

賜黃馬褂

蓼蕭燕饗濡濃露班列元臣沐特恩名在金甌依斗極道如玉水溯泉源陳謨幾度虛前席顧問時會駐錦軒鳳藻褒嘉歡不盡兼旬申錫介祺繁

幔城朝退草疏暇染翰雍容紀

聖恩本以賢勞承寵渥還抒忠愛瀉詞源君臣際會思汾鎬律呂和調想宓軒翹首賡颺依黼座卿雲爛縵景星繁

夜過奇山社

一望長垣十里餘千家曲曲愛吾廬歸牛日落歡忘戶卧犬

宵深懶傍閭樹裏機梭饒蟋蟀檐間柿栗足菑畬寧知長吏頻過問率爾將迎擁敝車

古槐清蔭

以下署中八景

古槐鬱鬱種何年疑在王家堦砌前兔葉烟浮虛宿氣虬柯翠擁蔚藍天風搖綠景朝聽訟雨滴黃花夜撥絃東閣於今詩興動還如梅蕊傲塵緣

佛閣鳴鐘

慈雲一片度高城小閣香烟夜半橫饒有琴音通遠墅還聞鐘響報新晴霜鯨吼動案頭佛雨唄驅開蝸角兵贏得莊生驚曉夢坐觀河漢碧天泓

園蔬晨露

續文書屋集卷之二
剪伐多方野蔓除
灑灑園露上春蔬
鮫人淚濕金莖外
桂影光騰玉兔餘
細裊葵心迎日旭
濃澆芭葉帶風疎
乾坤生意朝朝現
滿圃溥零懷抱舒

曲沼荷風

半晦新荷曲曲浮
池風動盪益清幽
輕搖翠蓋綠陰淡
細扇紅衣五月秋
帶雨穿叢魚戲上
隨煙霏葉蝶潛遊
座間共有濂溪愛
披滌煩囂烹幾甌

草亭新月

晚衙徙倚愛清池
月到茅椽物色宜
片影新篩紅菖水
斜暉初上碧梧枝
邊亭風景浮雲外
古塞關山落照時
囑教奚童遲秉燭
低徊吟弄又成詩

花塢紅英

尋芳最足滌塵囂
墻畔春紅插錦標
斜影和煙驚蛺蝶
殘鐘度雨濕芭蕉
色迷洞蕝參差現
筆借江花取次描
欲把瓊姿栽徧縣
青幡處處鎮雲霄

芸閣書聲

天光雲影罩前軒
檻外清風濯熱煩
獨對新書尋樂趣
勝於好友醉芳園
蠶叢開闢五丁力
藜火輝煌太乙閣
曙鼓鼕鼕人未卧
公餘學業欲探原

層樓晚眺

幾番佳興愛登樓
東國風光一望收
海擁三山朝北極
河分兩派潤西疇
堯年韭茂谿流碧
禹日糧深谷鳥幽
晚晚殘陽

紅樹外烟雲繚繞古青州

萊州二十里鋪見燕南過客題壁戲和二首

燕南過客是詩仙壁上題詩名不傳我亦東牟新令尹黃綉

被裏未能眠

詩譏壽光令云黃綉被裏睡初酣

聞道東行渤海頭征車到處發深愁不知曾惠清詩否未奉

先生水一甌

雨壇夜半口占寄古縣王太守閏軒

祈雨曾聞董廣川吁嗟拜祝展陳編徒憐人洒千行淚那見
雷鳴萬頃田邑宰從知多失德蒼生何罪罹凶年深宵壇外
無長計乞取庭階蜥蜴鞭

四月十七日查雨登芝陽山記事

丁亥仲呂律吹灰梁山不雨已四月大麥乾枯小麥黃阪田

一片無耕垡或於窪地種高粱塵埋靈芽遭天闕雷公閉口

風伯馮神龍偃蹇卧溟渤齋居小閣細凝思微忱何由達絳

闕欲效楚俗火燒龍一試安敢再唐突檢點類函請雨編董

公遺術細詳覈南門外建舞雩壇蚩尤神前自責罰當時用

事七尺龍朱繪四面高擔揭

時日名位器數皆以七

敬率端公陳祝詞

雞酒膊脯薦肥膾司空壯女與嗇夫紅衣立舞甘曝暘開陰

閉陽術多端拘束蝦蟇鞭蜥蜴焚燔雄雞老豕猪

豕猪本牡猪宋本乃

解為母猪又屢稱老母猪未詳所謂

淘井掀日開池竭官紳齊奉太常齋虔誠

跪捧香醪醇何幸上天哀烝人我纔宿壇雨汨汨雨後策馬

看郊原高高下下頻穿掘好雨均堪足一犁來牟其蘓禾其

苗黃髮兒童笑口哈於今纔不食糠麩行行南東到芝陽舍
騎登山攀碑砢丹陽仙影居巉巖神仙說寧毋恍惚神廟清
幽供盤桓婆娑古洞摩殘碣四望平原襟抱開祇慚終年勞
矻矻眼前景未記吾曾從知政理多忘忽我聞海上有三山
虛無縹緲仙誰謁修真有訣只認真儒林循吏理不越我歌
且謠兮歌初發蛟龍爲我騰巖窟

海鏡亭觀海燈

海天空濶處明月照樓臺萬鷁浮燈出羣鰲捧炬來無風星
競渡不夜霧全開神物驚相逼潛逃莫敢回

臨淄道上

曉征南柳樹泥路雨濛濛赤日曛天外紅雲蔚海東鉛松猶

禹貢雞犬自齊風亦有狶陽客誰誇兩牡雄

觀稼憇奇泉寺戲次僧壁前令李君看花詩原韻

小雨初晴散綺霞爲行田野憇僧家黃梁白黍千村秀纔是

河陽稱意花

李君有不待潘郎
已種花之句故云

弔郭康介公

萬言諫草爲天星懷古千秋仰直聲無復金人濡碧血

公
有金御

史之空餘石馬駐荒塋河流不減淇泉苾海色猶同洛水清

公聯有淇泉
伊洛之比

悵望穹碑申一拜何時更與麗羊牲

登磁山最高處寄王宮詹貽堂覓酒

雨霽尋春意興閒翩然着屐上磁山無波海抱魚龍睡撥霧
巖憑虎豹攀員嶠方壺仙自遠秦碑漢瓦詔空頒何如覓取

丹砂酒一醉紅頰葛令顏
自巖峯孤寒天清空
自奇泉踏地至楚堂

奇泉名勝信非虛最愛前
芥水竹居日影篩天金貼砌濤聲
捲地玉鳴除小橋月到秋逾好紅葉林深錦不如一路觀瀾

參妙契關心還有楚堂魚

楚堂鯽魚大者可三觔
甘潔異常○芥音匡

張刺史希南自乾州任歸養值大母壽節詩以賀之

黍稌豐年萬億堆朱幡回日綺筵開
三秦竹馬喧童穉五玉
緋衣戲老萊雲母丹烹魚子飯富平春暖菊花杯
笙詩潔白
真能補獺滿河干草滿咳

評閱孫司諭毅齋詩卷却寄

雁帛頻煩繫古槐高軒遙喜駐金臺
千秋心向艱辛合一卷

詩從靜悟來風入清山巖嘯虎譽傳
繡水海鉤雷何時東郡
垂青盼箴我官常酒一杯

題傅幕師冠北世德編

鏡水塗山通德門名家孝友舊同敦
黔婁稽顙回星斗李勣
燃鬚篤弟舅谿路天開豺虎徑板橋夜渡藕花村
還看家傳
登青史蘭渚儀型萬古尊

高門尹姑肅閨闈日捧盤匱進脆肥
幾月忘餐關藥裏一經
授讀有紗幃春泥不浣敲詩婢夜雪常寒織錦機
世德家風
誰比並商霖竚聽纘前徽

九日同諸友登通仙宮飲奇泉寺

仙宮攀陟快奇觀駐馬雲菴仔細看
老鬢纔因紅葉赤英心

特爲玉泉寒百年好句頻摹石郭野航有詩鑿碣康介公四題辭云碧紗詩句百年思
海重陽迭整冠林外何人將進酒興來今日且爲歡

奇泉庵八景詩 有引

有引曰奇泉庵泉甘以冽夏清而冬溫縷縷如珠琤琤若玉繞錦里花村先百川而赴海環庵老樹蒙羃千態萬形昧不見皓月庵之前有石橋泉底銀盤清虛無際其西閣爲郭氏三世下惟處厥後大司徒王公亦嘗遊息其間長夜誦聲往往與寶殿宵鐘雜出灑灑泉音外當夫春葩爛熳繞屋清芬夏木清陰遠籠炎日以沿以濯開我煩囂致足樂也及乎山山放赤樹樹駢珠哦松徑聽濤聲鸞鳴鶴唳掩映泉流四時之景無不稱奇余因別爲八景曰巖洞泉聲曰小橋月色曰西堂夜誦曰東閣晨鐘曰異萼清香曰深林遠廡曰一芥珠果曰千丈松濤各題數語俾山僧粘之十笏好奇者有以覽焉

一滴奇何在又非川所匯惟其不染塵獨往先朝海
山樹密如髮夜深不見月小橋時一過月在泉中揭

我觀西閣碣冽井欽前烈不見讀書人其聲清以越

漱泉香以冷入室深而永不寐聽晨鐘劃然發深省

儂亦愛春葩天然物色佳隨流籠遠陌不是鬪紛華

赤日猛於虎林深此避暑誰歟烹一甌長夏不知午

上芥紅葉滿淨滌頰虬卵對此轉朱顏仙方吾豈罕

本是虬龍質駕濤映海濤更於泉響外謾謾起風艘

謝立菴招飲同王司諭黃麓王孝廉藻航蕭進士雪崖

謝進士雲崖

雪花拂面雪風馮海色山聲入畫綾一座詞華金瓊酒千秋

心事玉壺冰果盤造玉壺冰心四字見規時君壽後三日即此志祝貯霞堂外寒松古

聳翠亭前碧水澄不羨羣賢幽興熟重來何但記吾曾

續文書集卷之二
三
戊子冬月大新店阻雪讀萊尹夏蓉塘詩鈔書此却寄
一夜狂風三尺雪漫天飛舞晝還烈停車茅店空徘徊賴有
新詩足怡悅愛桃直問桃源津廿年青門霏玉屑自從出宰
登岱宗決背盪胸小萬垤天門日觀恣窮探一手推到秦漢
碣龔邱政績聞上官奏之

天子移繁缺苗薈髮櫛未經年望海登高肆詆訐由來江漢
最雄奇雙流倒海誰排決大氣所舉萬物浮低視羣動皆跛
蟹與人且勿喧聽我騰口說人生何處覓三山長留千古有
仙訣君不見蓬萊閣外冬月天樓市怪奇幻生滅惟有海鏡
亭前東坡碑文章勲業到今長昭揭

陪郡伯趙虛齋觀海市

登州海市最雄奇貝闕長傳學士詩我來隨上蓬萊閣五用
校場觀射時人吏驚呼靈蹟現萬里碧波橫匹練大竹小竹
屹連綿天遣神工起瓊殿沙門小島形逾殊凌空墩臺建螯
弧有時擎天如張蓋有時縮地似懸壺斷續低昂頃刻異方
圓離合幻如戲北望砣磯空復空銀臺金闕更深邃高墉屹
屹排列戍劃然忽開桃源路南隍城到北隍城花村茅屋烟
籠樹蒼茫不曉海若方恍惚鮫人提橐囊交易而退各得所
三山十洲富寶藏由來公德動神靈安期羨門出滄溟請公
重題第二碣千古名高海鏡亭

寄劉秀才魯瞻

懶性從來少報書竹林風景近何如遙知湧地南湖水不羨

垂天北海魚歲月仍無樽酒樂乾坤時歎鬢毛疎廿年回首
棲遲處長夜芭蕉響碧除

省歸至新店

蓬萊行盡望芝陽路入磁山似故鄉父老歡來迎僕馬兒童
競侈足倉箱新炊粟飯甘於薺嫩煮瓜羹軟似肪一道清香
丹桂外蕎花紅壓豆花黃

沙灘勸種樹和州倅牟斌如原韻

白沙飛擁雪層堆一片荒蕪樹可栽島嶼無災鷄鳥宿海潮
有信老龍來千頭橘隸饒驅策百筐蠶絲足剪裁不識安仁
深意計風流漫許種花回

造書山

山以造書名何無倉頡址豈是秦李斯從行偶寄此火焚蟲
鳥篇揮洒小篆體書成張其軍謬言神所使洞口聲不聞洞
口門不啟對奕人何在千古惟樵子回望芝山碑茫茫大海
水只有同文心秦皇燒不死

酬王藻航上巳日芝陽觴詠原韻

偶屈高軒修禊事一樽爛熳對青山賓朋盡是金閨彥少長
都爲玉筍班日下名園思舊會洞中仙籍想重頒知君新有
羲之序披詠慙生俗吏顏

王謝蕭
皆同年

疊韻酬蕭雪崖

不嫌河上無佳勝乘興來看姑射山千載衣冠同盛會一時
風月有仙班蘭陵經術雲霄上東洛文章殿閣頒此地從知

饒樂趣輕舟永日破愁顏

疊韻酬王黃麓

自昔鴻文騰北地於今豹隱愛南山雲雷碧簡翻新語風雨
清樽憶舊班尺五天因韋杜近魁三象爲斗牛頌茂林修竹
茲尤盛我欲時拚醉酒顏

疊韻酬謝雲崖

最愛蘭亭王謝侶芝山此際似京山三春吟嘯添琴趣滿座
風流壓鷺班碧海波恬杯共把藍田日暖玉遙頌管絃知副
蒼生望五斗松醪一解顏

和崔撫軍閱邊詩元韻

巖臣銜命沛恩膏四月東行建羽旄賦政原崇喉舌寄宣猷

叠眷股肱勞桑麻萬井飄梅雨熊虎千軍肅海濤攬轡從容

真矍鑠驅馳不待曉雞號

啟行

二東特簡上將軍一路登壇訓練勤駕海雲屯龍虎踞連山
風起烏蛇分神機不數穰苴法遠畧常卑管仲勲清晏從來
銷唇氣詰兵還體

聖心殷

觀兵

文武才名憲大邦登車日擁碧油幢好官仍飭廉爲本健將
常教鼎獨扛虎翼魚鱗軍肅穆殷渠魯浦俗敦龐百寮到處
煩旌別露帳宵深點玉缸

察吏

保甲精嚴小大東農田水利亮天工長河夜靜魚龍碧陸海
晴翻穉穉紅盡闢墳壩歸禹貢不教儂好賦齊風一時師帥

都宣力悃幅無華倍有功查保甲墾荒農田水利

舊時民壯制新更隊隊鳥鎗練習成三鼓連環雷叠發兩盃

舒翼火齊明梢星雲麗蒼鷹旆吼地天開細柳營漫道諸軍

遵節制宰官徒旅亦精兵操民壯

茫茫大壑繞登萊蓬嶼如林萬里開三汛樓船驅鱷去九秋

魚艇駕鰲回於今真著安瀾頌何處猶誇煮海才總為

熙朝威惠遠紅旌籌策道全該查海船

羣山萬壑亘青齊鳥道龍湫趨馬蹄此日旌旗如履坦他時

鴻雁盡安栖阪田無地留稂莠石徑何人蓄蒺藜一變從知

遵禮教將迎小隊徧黔黎查山路

山河十二擁巖城齊魯金墉取次更百雉層譙煩部署幾年

縮版謹章程量工咸聽彌牟役有俶同歌召伯營盛世欣逢

嚴掌固重關天險壯東瀛查城垣

詩才清發重詞壇風雨龍吟壓繡鞍信宿嶗山霞煥彩重臨

傑閣海回瀾颺言惟有齊民術壽世何求却老丹獨愧才微

徒負弩選聲漫許小潘安賦詩。末句係撫軍戲語

諸由觀遇寧海刺史勒寶齋西行阻雪三日口占一首

諸由觀下海風號夜雪封門五尺高蟄地殘蠹深入谷雪深則蠹

伏涵元宿麥暖於繖民俗以大雪為麥蓋被加衣蓬萊何處尋征路茅店

誰家買濁醪幸遇東來賢刺史連晨暢敘意囂囂

雜吟

縮符難比齊廉士作賦猶同楚大夫幾案初完頭半白諸編

未就血全枯惟愁鄭國隄渠廢寧覺晉城惡少殊時有三人輪姦二女
之教養三年成底事高齋咄咄愧前儒

和崔撫軍遊嶗山詩原韻

巍巍喬嶽俯瀛寰棨戟周巡意興閒終古惟聞登泰岱於今
始信有嶗山天留節使鯨鵬響地接神仙海鶴顏不是無端
空着屐何人負得錦囊還 嶗山

仙凡境界此初分一徑通天掃蜃氛黃石宮涵滄海月赤松
樹擁碧山雲臨泉獨契原泉水捧日朝看出日曛選勝全嶗
纔縱目無邊光景已空羣 黃石宮

旌麾暫爲海東留高立華峯最上頭碧落巖新澄石乳清風
嶺舊擁瓊樓遠開紫霧三山淨不盡滄波萬古流還與從官
爭砥礪莫教愛寶重貽羞 華峯

洞口晴空霹靂雷天門中豁奧區開在田德施龍騰去于野
聲聞鶴送來樹似桃源頻徙倚人如黃綺任低徊寧虞山藪
能含垢伏莽潛消不復回 玉鱗口

繭足扶筇第一峯精誠正直與神通九霄近接催詩雨萬里
遙吹立海風下上晴鷗天地外參差珠島有無中梯航是處
隨槎影青晝長賓夏日紅 巨峯

縹緲憑虛仙女身孤峯高迥更誰親共聞東國歌之子不假
西方賦美人天姥飛來鸞駕近麻姑棲處鶴翎新玉顏獨立
雲霄上班壓衡嵩五岳神 美人峯

萬壑噲吟響鑄鐘九川新水日落溶溶空身踞鼉鼉嶼據地

名傳獅子峯幾處林巖無露豹百年雨露有寒松我公特為
開生面頓使山靈意興濃獅子峯

卓錫飛來箭括通清心無住法王宮十洲草長連天碧雙樹
花開映日紅檻外經聲龍作雨窻前禪偈虎生風不因小隊
鈎梯上誰識華嚴面壁翁華嚴宮

攬勝天門興不窮上清宮外有神工青山碧海乾坤濶古洞
深林日月通玉局烟霞形絢爛金奩丹鼎勢穹隆蓬萊織女
雲車近為有驚人句滿空上清宮

元渚丹邱貌岸然笙竽坐對蔚藍天同舟能遣鯨鰲舞望月
齊偕斗極懸久駐蓬山為柱石由來福地有神仙琪花瑤草
紅無際萬古滄溟翠曉烟八仙墩

弔大司徒王公

熙朝稷契著勲庸養素堂前

聖眷濃雲擁豐碑蹲鼻肩天開

睿藻躍蛇龍遺疏功奪春濤響

公有停止解
運楠木等疏

高塚靈朝海日

容

墓正對
日出處

悵望之杲山色迥烟臺風雨護虬松

酬王秀才令印

福山古東牟山厲海碎礚偉人大司徒鼎軸賡颺拜烹斡力
雄奇豐功敷中外奏疏千萬言天氓蘓癆瘵
聖祖眷殊勲飾終恩重霈

國史列名臣班馬勤蒼萃厥後多奇才金鼓揚大旛之子尤
出羣後車步前旆鍵戶希古人及古能不懈古音走青璣古

字爛文具當其得意時龍吟雜鳳翽武官劇簿書無由親
馘搜奇遣鴿奴聊取麗澤兌

弔鄉賢孫方伯公

方伯堂封何處尋高低墳土氣銷沉塵霾華表黃狐立草覆
殘碑碧水深佳傳千年遺舊史明史附載公於趙寢邱終古
豫傳之末惟數語有荒林輿人不識鄉賢事駐馬徒傷楚客心

祀朱公神像於新祠二首

朱公名國梓遼東人守福城有功

赤手誰完兩水城先生義憤肅天經裏瘡百戰開邊月涕淚
千聲捲彗星名宦烝嘗遺典禮公未入譙樓風雨泣精靈舊

在東新祠坐對操兵地祠址舊為公所建一望雲山萬古青

曾於誌乘嘆奇功保障孤城鎮海東三島旌旗麾畫鷁兩河

烟雨護雕弓亞夫屯壘軍容盛幼婦碑文筆陣雄公有觀德亭碑文甚

佳 千古衣冠懷舊德桐鄉尸祝想流風

東行雜吟

名山久識有崑崙欲往從之路阻紆時因赴文登勘事不及觀烟霞洞聞道

神仙不可接幾人到此學麻姑崑崙山

營邱千里棄雄風海上孤城似甬東不識當年何德澤一抔

到處有康公齊康公墓在文登縣石洋山福山縣志又載其墓在之罘山頂

長山風雨一茅廬口授生徒手著書千古功臣箋釋在道東

不是註蟲魚長學書院在長山相傳鄭康成講學處

一附青雲名不湮山邱樵採禁常新要知多慾非剛者猶勝

當前磊落人申棖墓在文登縣東北一里

祖龍雅意好皇墳懷古登山徧召文豈是諸儒頻橫議不堪

憤激欲坑焚召文臺相傳秦皇召文士登山處縣之名以此

七里溫泉可澡身未能盥浴學遊人須知靈水清如鑑不洗

元規馬上塵七里湯在文登縣南七里

天嘴石門鬪怒蛙時戚陶二姓爭石門網口劉公島上日初斜遙看童叟

皆相得應是桃源洞口家劉公島

天險雄關鎮海疆昔時軍馬費屯糧於今甲冑皆儒服生監迎接

者二十餘人萬里波涵日月光威海衛

送王太守閏軒八都

久於中外著豐功五馬歸來望倍崇只有丹心為霖雨亥歲夏旱

公率鄉人禱雨報應全無綵袖挹清風鄉人謂公並無兩袖海門春色千山碧日

嶠晴雲萬里紅此去輝光逾遠耀西京郡守是三公

柿子芥竹枝詞

上芥桃李下芥梨開遍芥頭千萬枝好雨一場三月裏青青

大麥秀雙岐

福山食物

粃飯紅於硃一名紅飯朝餐盡一盂教人發深省毋乃太糊塗南方

名糊塗粃飯

三尺錦鱗魚如珠生合浦吾寧師孟嘗不以累漁父魚鱒

海龍心甚苦剖腹吐其腸寄語橫行者有無試自量鱓為無腸公子

腸龍

先王盡物性鱗有鯤鮪禁胡膾巨魚兒一盤戕萬命魚子

薄脆茲何物何不厚而堅其名吾所惡其實爾誰憐

牢丸有蛋脆其腹乃藏沙寧愛江邊蟻錫名以自誇

螞蟻微蟲耳自貽邇邇譏把沙多脚手不謹欲何之

義謂其行不謹也。鮮螞

采采貧家女駢珠草滿筐可憐三四月朝夕以為糧

本愛寒松性有心附其枝寧甘同木槿晦朔未能知

不知晦朔。松菌

魄礪如房屋相連起石中有形原是牡介介以為雄

不謂雄也。螞房

題歷城尹胡書巢書屋

會城繁劇刃游餘精舍新開晃碧疏萬疊山收吳子畫一泓

泉湧鄴侯書每因漉酒彈佳曲時以鈔詩遣小胥若是杜陵

今見此蘊真愜遇更何如

題何小山賞音圖

別具雙眸閱古今不從世路問升沉布袍羽扇真名士泉響

松風太始音兀坐山林如鶴立有時風雨自龍吟成連海上

人難識應為牙生一撫琴

題申槐亭手卷

樂山不必山樂水不必水惟其性之近焉往不如此江南名

勝地山清水更駛槐亭天機清愛遊無時已揭來客魯齊高

閣謝公履擅場維川翁神妙揮素紙有如桃源洞問津來仙

子無乃山陰路巖壑競奇美萬斛筆端瀉五岳胸中起馬遷

以文雄杜陵為詩史大哉天地間
收八尺幅裏

賀四氏學教授孔晴峯

行聖公弟鄉舉

肝僑才望重公孫蚤歲聲譽播
聖門滿座生徒傳盛業千年
詩禮溯真源日邊快觀東山鳳
雲裏高翻北海鯤絲筆於今
添氣色鼎元坊上載

君恩

曲阜有狀元坊

題富撫軍挹翠軒草

摘存

師表千官夙德隆袞衣遵渚喜
飛鴻保茲

天子生山甫尹我東郊命畢公
駟馭從教歌魯頌還儼寧許
賦齊風桑田蛾術知何似一卷
清吟是化工

臯比坐講老名儒日日公餘研
墨朱九德人與中古易一心

道蘊伏羲圖乾坤策以重推行
水火丹經細鍛鑪康濟吾身

還壽世應將利用比堯夫

公謬於易

四國蕃宣徧頌謳驅馳絕域
絲春秋黃花古驛行軍處黑水
晴雲望海樓卓爾題吟皆信史
康哉颺拜是訂謀天山萬里

綏多福仍擬卷阿伴
奕游

大小東人樂有年方隅猶虞
食艱鮮一朝惠政開儲貯數萬

生靈解倒懸

謂拯東平州之溺

工以因天排論議

謂勘運河事

河當疏處

佈金錢

開小清河公首倡捐銀四百兩

連山盡壓支祁鎖幾冊新詩鎮九川

御製三依

皇祖過關里詩元韻

皇祖過關里詩元韻

鑿輿繩

祖烈頻至聖人堂鼓振鼉蟠壁球鳴鳳噦墻

君師心法合治教化源長文運重開闢天垂舜衣裳

擬和

御製闕里祭先師禮成述事詩元韻

聞知統接二千年重薦馨香意更虔日月光華

天藻重雲雷模範

睿音宣大文允愜從周願久道長擔配帝肩

御題化成悠
久額諭頒周器

於廟累洽重熙仁世世誠孚真見象頎然

擬和

御製杏壇詩元韻

杏壇古蹟何自垂莊周寓言並緇帷道輔築壇還種杏宋元

而後競題詩

聖人懷古別心眼在處皆瞻教澤貽麗日和風拂花枝水上

殿前總繫思想見淵路同侍側低徊留之不能歸

擬和

御製賦得手植檜詩元韻

哲人留手澤梁木本叅天左右奇文著中樞大道傳不凋真

是矣未喪豈誣焉剝復春長在玄黃日永躔靈根深雨露茂

葉擁雲烟

御贊徘徊處元功巨萬千

擬和

續文書屋集卷之二
御製汲古井水飲之詩元韻

九軻甘泉歷古今隨人思汲澤愈深當年賢樂惟瓢飲此日
王明載斗斟不盡源頭來活水無邊津逮愜

皇心勞民勸相人臣事上出元功仔細尋

擬和

御製孔林酌酒詩元韻

泰山長峻極梁木自青葱一老留宵寐雙流繞夜宮在茲文
未喪墜地道仍崇遙望成鳴冢濮州堯陵何如此不窮

擬和

御製子貢手植楷詩元韻

老檜心傳聖枯楷象肖賢虬非蟠石砌風雨護塋田和淚培

根日孤燈捧幹年無窮師弟緒萬古繞場邊

擬和

御製過陋巷顏子祠詩元韻

陋巷巍巍闕里模千秋崇報禮無誣翹瞻富美信然矣卓立
宮墻其庶乎水飲甘寒占繡井祠有陋巷古井雷尊肸蠁象為需欣

逢

睿藻光楣栢

御題額曰粹然體聖

霜栢虬松盡翠朱

擬和

御製謁元聖祠詩元韻

闕宮何處尋臺上柏森森官禮三王業風雷萬古忱繫詞功
述舊傳聖議垂今御史黏本盛請立周公傳聖祠於文廟

鳳藻重褒錫勤宣達孝心本盛前立風

擬和 三皇躬纘緒五帝首參天至德逾諸福元音有大淵靈開周

御製謁少昊陵詩元韻

三皇躬纘緒五帝首參天至德逾諸福元音有大淵靈開周

孔域道晦漢唐年

宸翰頻揚厲山陵倍鬱然

濮州修城和院長羅我田用葛化行紀事原韻

濮郡巖城百雉高前明移建壯秋壕天開兩水朝龍瀆地鎖

重關控虎牢一自鯨波迷去雁那堪鼠窟長新蒿我來未信

先興築恐賦民勞敢憚勞

和徐撫軍紀恩詩元韻摘存

赤舄東郊喜徧臨連年衣被厚而深黃中蚤契垂裳化黼黻

常存補袞心人以傾葵宜象服時當薦鞠

賜華襟輝煌馬上真安吉扈

蹕桑田拂戴鷲時天津迎鑾賜黃馬褂

酬罔卿吉渭崖先生元韻

斗山姓字重金甌

特簡東邦拔萃尤六馬諮詢傳雅頌兩主考皆五星聚會列

圖球參苓籠滿人如狄軋茁風回道似歐俗吏何緣陪杖履

幾番薰沐豁雙眸

疊韻酬侍御費道峯同年

鎖闥日捧沁心甌欲式儀型寡悔尤謬以蠅蛙隨鳳管何當

鐘鼓曼龍球鴻裁舊仰東西漢法帖新瞻大小歐浣露如披
元晏敘左思從藉巧青眸同平

中秋望月

重來分校幾星霜又是當年射雉房戊子科原分書三房十二侯皆新

玉尺前次同官皆不與五千士孰脫錐囊風雲時憶三場苦鄉會凡十三次

歲月寧知兩鬢蒼樽酒堦前頻眺望中天暉滿聚奎堂

歎月二號海豐貢生袁中起

有驥善馳驅而忽自顛蹶有璞遇真知而足先自別嗟爾月
二號書藝何突兀高調挹羣言摩天揚巨鉞醇味都曲包迨
上俊風骨主司慎蒐羅萬卷精鑒核是月旬之三得茲歡披
閱傳觀聚奎堂圭臬高標揭謂與顧涇陽爭道駕輓輒用以

弁羣英大風回溟渤命我辨魯魚繕鈔付剞劂豈意第三場
麟榜驚先發嗟爾何人斯何甘自怠忽得非爾運命未當蚤
紳笏毋乃爾先靈孫謀遲貽厥不惜爾升沉惜爾文埋沒自
取爾何尤悠悠我心艱憶昔十三闈纔題恩榮碣一麾墮風
塵簿書長矻矻兩科分一經冥心相撥擻有文步先民差欣
力稍竭已成事忽垂含淚書咄咄遇合非偶然勵志還勿歇
老鳳鳴丹山秋天搏鵬鶻三年以爲期會當貢

金闕

臨清軍營將之堂邑緝匪查賑得劉修甫捷音口占志

喜

野戍星馳日荒城鵲噪晨斯文如美玉吾道不迷津冀北存

知已甲午北闈修甫兄雲仲以文噪成均次兒承璋亦幾雋北榜故云湘南喜得人頓開愁

困眼麾策向河濱

全明

李國無以山林天得淵歸三平以爲

人許虛以知事際每含疑書出曲題合

一

一

一

一

一



